

# ლიტერატურული გაზეთი

№23 (327) 9 - 22 დეკემბერი 2022

გამოდის ორ კვირაში ერთხელ, პარასკეობით

ფასი 80 თეთრი

## დათო მალრაძე

### აქ იყო იან ვან ეიკი

d'antico amor senti la gran poten  
za\*, — არის წარწერა მეუღლის სახსოვარ  
ბეჭედზე, რომელსაც ჯვრისწერას ანდობენ,  
როდესაც სიყვარულს ანდობენ მაცხოვარს.  
სიახლე არ მოაქვს არსად და არასდროს  
მას, ვინც კი დაკავდა ძველის უარყოფით,  
მიზეზი, თუ რატომ ვერ ძლევენ მართონს,  
აღბათ უქალობით...  
ანდა უარყოფით...  
სულის სიღარიბე სულ უფრო ძვირდება,  
ფასი უფასურზე დღითიდღე იმატებს,  
გამქრალა ქუჩიდან ევროპის დიდება, —  
აღბათ მუზეუმის არჩია კლიმატი.  
გნებავთ, ჩამითვალეთ წრფელობა სატირად,  
ზღვის სანაპიროზე ვინატრი თოლიას  
— კარი გამოუღეთ საცავის პატიმარს!  
— მიეცით ახალი სიცოცხლე ფოლიანტს!  
...გზიდან ჩაიჩეხა უმანკო ბატკანი, —  
თასი განკუთვნილი ღვინის და პურისთვის  
იქცა ექსპონატად თრეველის, რადგანაც  
ევროპის მთავარი გმირია:  
— ტურისტები!

და თუნდაც შეშლილის ემსგავსოს ტირადას!  
გაუუნვდი ევროპას შუქ-ჩრდილებს თბილისის,  
რადგან კარავაჯოს არ ვიცნობ პირადად,  
ვურეკავ სტორაროს,  
ან იქნებ უილისის  
კამერა დავკიდო ამ ლექსის სტრიქონზე,  
რომ მასკა ჩამოვხსნა  
პრობლემას დღევანდელს,  
ვიღაცა გაუძლებს...  
ვიღაცა იბოზებს...  
ვინმე ხომ გაჰყვება მადლიან ევანგელს.

...თუ პერიფერიას ენდობით ნაკლებად  
და რომის სინდრომი გატყუებთ დიდების,  
მწამს, გამონაკლისი წესს გამოაკლდება  
და რადგან არ ვსვეცვობ,  
არც დავგოიმდები.  
არ ვითხოვ საბჭოსგან Honoris causa-ს,  
უნიჭო სწავლებას მივიჩნევ ერესად,  
მიკროფონს ვუთიშავ ამხანაგ მაუზერს  
და სიტყვას გადავცემ თბილისურ რენესანსს.

რადგან ვერ აშუქებს ამ თემას მედია,  
სტროფებით გთავაზობთ ქრონიკის მასალებს,  
რომც კიპლინგს ეწყინოს,  
დიდებულ რედიარდს,  
აქ აღმოსავლეთი შეხვდება დასავლეთს!  
და ლექსის ფურცლები რომც ქარმა არიოს,  
თბილისურ განთიადს მივანდობ სანდო ფერს,  
აქ მაკედონელი ზავს უდებს დარიოსს,  
რომც ალბრეხტს ეწყინოს,  
დიდებულ ალდოლფერს!

ზარს რეკავს ტაძართან სკოლა საკვირაო,  
როგორც პირველყოფილ ვნებათა სადავე  
და აღმოსავლური ლაზათის ირაოს  
ჩააქრობს ბერძნული ფრესკის სისადავე.  
ქართლოსად წოდებულს,  
მე, მოძმეს ჰაოსის,  
თითით მანიშნებენ, საითაც რიგია,  
ტრენდით მთავაზობენ მორალურ ქაოსის  
საკონსტიტუციო ახალ რელიგიას.  
მედიისრები ითვლიან სანიტრებს,  
დაჭრილი ვჩურჩულებ:  
— გაუძლებს ამასაც...  
სასტიკი ომია და ომში დავითრევე  
მორალურ ქაოსში დამალულ თამასას.

გავყურებ ნაპირზე ფრთებიან ფოლიანტს,  
როდესაც მივყვებით ზღვისპირა ტროტუარს...  
საათის ისრების ფრთები აქვს თოლიას  
და ფრთებით მაჩვენებს, სათქმელის დრო თუა.

ხან გულწრფელ შეძახილს ვუნაცვლებ სატირას,  
ვგრძნობ, Time travel-შიც მეგზური მყოლია,  
— კარი გამოუღეთ საცავის პატიმარს!  
— მიეცით ახალი სიცოცხლე ფოლიანტს!  
— ახალი სიცოცხლე მიეცით ფოლიანტს!  
რომ სული თავიდან ჩამედგას ტიტანის,  
რომ თევი მომტაცოს თეფშიდან თოლიამ,  
ბოდიში მომესმას შემცბარი მიმტანის.

ფაუსტის ფოსტა... ცალ თვალის ჩაკვრა ლუ-  
ციფერის და მერე კონტრაქტზე ბეჭედი...  
დაკარგავს პოეტის საკრავი საკრალურ  
თვისებას, თუ ეჭვში ხანგრძლივად შევჩერდი,  
თვალს ვუკრავ ანგელოსს, ვეხები არეულ  
ინსტრუმენტს, მანიშნოს სიმართლე სიმების,  
როგორც ტრატორიის შინაურ მზარეულს,  
განსაკუთრებული მოპყრობის იმედით.  
მივყვები ვარსკვლავის ნათებას ავია-  
რეისით, საითაც მოგვებმა იარეს,  
თავყვანი მივავგო, რომ ერთვარსკვლავიან  
ბეთლემის ბაგაში ღვთის სამშობიაროს  
სანთელმა, რომელიც ბოსელის პალაცოს  
უნთია, წყვილია გააქრო უბრალოდ...  
გუნდრუკის, საკმეველის და მურის სანაცვლოდ  
სამ სიტყვას მივიტან:  
— თავყვანს გცემ, უფალო.  
ვეძახი პეპელას:  
— სანთელზე მოფრინდი!  
სიტყვით რომ ავანთებ, როდესაც დამილამ-  
დება და შუქჩრდილის ეს მიკროკონფლიქტი  
ვიცი, რომ დიდებულ დუელში გამიყვანს.

...ჯოვანს და ჯოვანას როცა ვან ეიკი  
კარივით შეუღებს რომანის გარეკანს,  
და რადგან რომანი არ არი ფეიკი,  
სარკეში საკუთარ პორტრეტსაც არეკლავს.  
რომ მივწვდე სიმაღლეს, სამხრეთის კედელზე  
ვაშენებ ხარაჩოს, მე, უფლის მონა ტრი-  
პტიქის დასანერად, რომ სულის მეთევზე  
ოქროსფერს მივანდო გუმბათში მონასტრის.  
და როცა აშლილი დაგხვდება ნადიმი,  
კედელი გაარკვევს,  
ვინ უფრო მალა წერს...  
ვინ იცის, სარკემ თუ ამრეკლა ლანდივით...  
წარწერით: აქ იყო დათო ვან მალრაძე.

\* „ძველი სიყვარული ახალი ენერჯის სათავეა“ — დანტე ალიგიერი.



## ვახტანგ ჯავახიძე

### ვის-მატი და ნი-მატი და ზა-მატი

რატომ ჰგვანან ნახატები ავტორებს? —  
გვეკითხება ლეონარდო და ვინჩი,  
მეფეებიც ჰგვანან იმპერატორებს,  
დანარჩენს კი ვინ დაეძებს და ვინ ჩი-ვის.

მაცდურია გამარჯვების ნარკოზი,  
ვიცი, რომი დაამარცხა პიროსმა,  
უკვდავია ფერი ლეონარდოსი  
და მე ჩემი მიხარია ფიროსმა-ნი.

ერთადერთი ამუნათებს ერთ-ერთებს,  
ასეთია ამ შაირის მორალი:  
აქ მარცვალი ერთი ნაიზედმეტებს  
და უღიმის მარგარიტას მონა ლი-ზა.

### IV



ესსა  
როსტომ ჩხეიძე

პროზა  
ზაზა ბიბილაშვილი  
გიორგი ლორთქიფანიძე

პოეზია  
ირინა ტაბალუა  
თორნიკე კანდელაკი  
მიხო მოსულიშვილი  
მარიამ კაპანაძე — დებიუტი


ინტერვიუ  
ნოდარ მაჭარაშვილი

რეცენზია  
ნანა კუცია  
სალომე კაპანაძეზე

თარგმანი  
რაინერ მარია რილკე  
თარგმნა  
ირმა შიოლაშვილმა

როსტომ ჩხეიძე

ციკლიდან „კანტიკუნტად“



„ნატვრის ხის“ სივრცე ჟანრობრივი თავისებურების კვალზე

გიორგი ლეონიძე „ნატვრის ხეს“ ქვესათაურად რომ წაანერდა: ყრმობის მოგონებებიო — თამაზ ბიბილურს ეს აფიქრებინებდა, რომ:

თავდაპირველად პოეტს მთლად ნათლად არც ესმოდა ფასი თავისი ახალი ნიგნისა, ახალ ჟანრში გადასახლებისა.

და გამოეკამათებოდა აჩრდილს: ნუთუ უფრო დიდი განზრახვა არაა ჰქონია „ნატვრის ხის“ ავტორს? ნუთუ ვერ გრძნობდა, რა გამოსდიოდა, რომ ამ თითქოსდა უპრეტენზიო ნიგნში თავს იყრიდა მოგონებებზე უფრო დიდი რამ, უფრო ამაღლებული და მარადიული, ვიდრე ნამდვილად მომხდარის გახსენებაზე აგებული ჩანაწერები?

და მაინც იმას „ყრმობის მოგონებანი“ ემჯობინებინა!..

უმცროსი თანამოკალმე ყურადღებას მიაქცევდა იმ გარემოებასაც, რომ:

გაცდებოდა თავფურცელს თუ არა, მერყეობდა ამ ნიგნის მოქცევისა რომელიმე ჟანრის ჩარჩოებში უფრო მკვეთრდებოდა და ამკარა ხდებოდა.

პირველი ნაწილი ნიგნისა, „მშობლიურ ხეთა ჩრდილებში“, თითქოს ამ ეჭვის მკაფიო სურათი გახლდათ და... კიდევ გვესმოდო ბორგნული სუნთქვა ახალი მხატვრული სინამდვილის შექმნის ვნებით შეპყრობილი ავტორისა, რომელსაც კვლავ ვერა-დავერ განესაზღვრა ჟანრი ამ ნიგნისა, კვლავ არ იცოდა, რა დაერქმია, რომელ ცნობილ განსაზღვრებაში მოექცია.

ხან სახილველ ტაბაკსა თუ ხახალს შეარქმევდა.

ხან გაზაფხულის დილიდან გამონანურს.

ხან წყაროების გამოწაფურს.

ხანაც ვაზფურცელს.

და ამ ძიებას ჟანრისა თამაზ ბიბილური მიიჩნევდა მხოლოდ ხერხად, სამოსელად ლიტერატურაში ფართოდ გავრცელებული ტრადიციული დასაწყისისა თუ პროლოგისა.

და მკითხველს ურჩევდა:

„ნატვრის ხის“ მრავალრიცხოვანი და მრავალმხრივი პერსონაჟები ერთ დიდ სოფლად დასახლებულად წარმოედგინა და... შეიძლება რომანის კონტურებიც მოეხილა, რადგანაც გიორგი ლეონიძეს ხელთ ჰქონდა ცხადი შესაძლებლობა უაღრესად



თავისებური და კოლორიტული რომანის შექმნისა.

მერე კი შესთავაზებდა:

დაე ჩვენ გვეცადა „ნატვრის ხეში“ რომანის დანახვა, ჩვენს წარმოსახვაში გაგვეერთიანებინა ეს პატარა მარგალიტები — მოთხრობები, მინიატურები, მოგონებანი — ერთ მთლიან მხატვრულ ქსოვილად, ალგევემართა ერთი მთლიანი დეკორაციული დანადგარი, სადაც ამ პერსონაჟებს თავიანთი ავბედითი, უმთენარო ცხოვრების დრამა უნდა გაეთამაშებინათ; და გვერნმუნა, რომ რომანიც სწორედ ეს არის, მკვეთრად ნაძერწი, მსუყვე მონასმებით შექმნილი სახეები პერსონაჟებისა, ყველას რომ თვალნათლივ ვხედავდით და ისე ახლოს მიგვიდოდა მათთან, თითქოს სადაცაა ხელით შევებოდით, ისე ნათლად ვიხედებოდით მათ სულში, რომ დაფარული თითქოს აღარაფერი რჩებოდა და მოგონებანი მწერლისა ერთბაშად ჩვენს საკუთარ მოგონებებზე გარდასახებოდა.

ეს ყოველივე უბიძგებდა, რომ „ნატვრის ხე“ არამცდარამც არ მიეჩნია მოთხრობების ჩვეულებრივ კრებულად.

ეს განსაზღვრა, ფიქრში ისედაც ჩამოყალიბებული თამაზ ბიბილურისათვის, უნდა განემტკიცებინა ლუი არაგონის ძალზე თავისებურ ნიგნს: „ანრი მატისი, რომანი“.

რას ნიშნავდა ეს თავისებურება და:

ნიგნში თავმოყრილიყო წერილები, შთაბეჭდილებანი, დღიურები და მიმონერა, შენიშვნები და ინფორმაციებიც კი — ფრანგი მხატვრის შემოქმედებაზე, მის პიროვნულ ხასიათზე. და მაინც ავტორი ამ ნიგნს რომანს უწოდებდა, რადგანაც მიიჩნევდა, რომ ეს ყოველივე მატისის ცხოვრებას უფრო სრულყოფილად წარმოგიდგენდა, და რომ მისი ცხოვრება რომანი გახლდათ, რომანიც მრავალმხრივი.

კრიტიკოსთა შეფასებით:

„ანრი მატისი, რომანი“ მაინც რომანი იყო ამ სიტყვის ფართო გაგებით, ჩვენს წინაშე ჩამოყალიბებული დღევანდელი რომანი, ყველა ჟანრს რომ იწოდდა და სათავისოდ მოაქცევდა — პოემასა თუ ფილოსოფიურ ესეის, ლირიკულ აღსარებასა თუ ესთეტიკურ ანალიზს, ფიქრებს ადამიანური ყოფის არსზე თუ ნამდვილ ცხოვრებისეულ დოკუმენტს.

და მეტად მნიშვნელოვნად მიიჩნევდა თამაზ ბიბილური, რომ:

ლუი არაგონი მარტო XX საუკუნის ფერწერის სპეციფიკურ თავისებურებებში ჩანდომას კი არ უადვილებდა მკითხველს, არამედ იმ ლიტერატურულ ფორმასაც აზიარებდა, დღესდღეობით რომ ყალიბდებოდა.

და ძალდაუტანებლად ნამოჭრიდა რიტორიკულ შეკითხვას:

იქნებ „ნატვრის ხეც“ რაღაც ამგვარი რომანიაო?

სათაურადაც ესეისა იმთავითვე გაიტანდა ამ მოსაზრებას:

„ნატვრის ხე“ — რომანი“.

და მთელი ესეიც ამ შეხედულების დასაბუთება იქნებოდა — გიორგი ლეონიძის ამ ბელეტრისტული თხზულების ეპიკური, რომანისებრი აღნაგობისა.

უშუალოდ თუ რას ებიძგა, რომელ ქმნილებას გიორგი ლეონიძისათვის ამ ყაიდის ნიგნის შესაქმნელად, არჩილ ჯორჯაძისადმი მიძღვნილ ბიოგრაფიულ რომანში — „წერილები იტრიის ნისქვილიდან“ — უკვე გამოთქვამდი და აქ ზედმეტად მიმანია მისი განმეორება, მკითხველის ფიქრი სხვა მიმართულებით რომ არ წავიდეს, რაკილა ამ ჩანაწერის მიზანი მხოლოდ-დამხოლოდ ისაა, კიდევ ერთხელ განამტკიცოს „ნატვრის ხის“ ეს ჟანრობრივი განსაზღვრება, მწერლის მიერ მიგნებული და სულაც მონოგრაფიის თემად შეთავაზებულ ლიტერატურისმცოდნეთათვის.

კიდევ ერთხელ როგორ და რითი უნდა განამტკიცოს და:

კინოფილმის — „ნატვრის ხე“ — გახსენებით.

მისი კომპოზიციური აღნაგობით.

ნოველების, მოთხრობების კრებულის შთაგონებული კინოსურათი თითქოსდა მოზაიკური სტრუქტურისა უნდა ყოფილიყო, ანდა სცენარი ისე საფუძვლიანად გა-

დამუშავებულიყო, რომ სრულიად ახალი კომპოზიციური ქარგა გამოკვეთილიყო „ნატვრის ხის“ მასალაზე დაყრდნობით.

არადა ნასახიც არ იგრძნობა საფუძვლიანი გადამუშავებისა და სცენარი — რეჟისორის ინიციატივით ერთად რომ მოამზადებდა კინორეჟისორი თენგიზ აბულაძე — უშუალოდ გაჰყვებოდა გიორგი ლეონიძისეულ თხრობას, ერთადერთი ჩარევა ის იქნებოდა, რომ „მარიტა“ მოექცეოდა ფილმის შუაგულში, ის შეიქნებოდა მთავარი ღერძი და მის ირგვლივ დატრიალდებოდა ყველა ნოველა, რაც კინოსურათისათვის გამოიჩინოდა — ყველა სიუჟეტი თუ ხასიათი.

საამისოდ უბიძგებდათ სწორედ შინაგანი სივრცე „ნატვრის ხის“ კრებულისა, მისი რომანული კონტურები თუ სულაც რომანული სტრუქტურა.

ასე უნდა დაეზუსტებინა და დაედასტურებინა ფილმის ნიგნის ჟანრობრივი თავისებურება.

ასე უნდა გამოეკვეთა გიორგი ლეონიძის თხრობაში ჩამალული მთავარი ღერძი, ამოეზიდა და მის გარშემო დაეტრიალებინა მოვლენები, გულისშემძვრელი ფინალით დაგვირგვინებული.

ერთხელ პირადი საუბრისას შეხედავდა რეჟისორს ინიციატივით ამ სათაყვანო მწერალს:

— „ნატვრის ხეში“ იმდენი რამ გაქვთ ჩადებული, ათ რომანს ეყოფოდა.

ის კი პასუხად თავისებურად დაიბუხუნებდა, გაცოცხლებული, გაკვირვებული:

— მაქვს და არ ჩავდო?

მართლაც რა უნდა ელონა: ჰქონდა და... არ ჩაედო?!

ათ რომანს ეყოფოდაო...

ჩვენ კი ერთი რომანიც ვეღარ უნდა დავარქვათ ამ ნიგნს?!

პოეტის სიცოცხლის მიმწუხრს დაემთხვეოდა „ნატვრის ხის“ შექმნა, რომლის მოთავებაც აღარ დასცალდებოდა და სადღაც შუა გზაზე გაუწყვდებოდა.

რომ დასცლოდა, შესაძლოა მისთვისაც უფრო თვალნათლივი შექმნილიყო ამ ნიგნის ჟანრობრივი თავისებურება და — მეტი სიმკვეთრისათვის — სწორედ „მარიტა“ მოექცია თხრობის შუაგულადაც და იმ მთავარ ღერძადაც, რომლის ირგვლივაც აამოქმედებდა დანარჩენ პერსონაჟებსაც, ამჟამად სხვადასხვა ნოველაში მიმოფანტულთ.

თუმც ამ სახითაც რომანს ჩამოჰგავს, და თუ ლუი არაგონს არც ეეჭვებოდა ანრი მატისზე შექმნილი ნიგნის ჟანრობრივი თავისებურება, ჩვენც გავიქარვით ყოველგვარი ეჭვი და ვირწმუნოთ:

რეჟისორი ინიციატივისა და თენგიზ აბულაძისა — კინოფილმისა...

და „ნატვრის ხეს“ მივუჩინოთ შესაფერისი და კუთვნილი ადგილი ქართული რომანისტიკის მდინარეებში, მითუმეტეს, რომ არსებობს ამ ჟანრის თავისებური განსტობა: ამერიკული რომანი ნოველებად.

პირამიდის ბრაფიკა გამოძახილად ვერსიფიკაციული თამაშისა

სხვა პოეტიკა რომ დაენერა პირამიდისადმი მიძღვნილი ლექსი, ჩვეულებრივი რეამარცვლიანი სტროფის კვალობაზე გაანყოფა:

ავაშენე პირამიდა, დიდზე დიდი პირამიდა, ახლა ვეღარ გამოვიდევარ პირამიდის სპირალიდან... და შესაფერისადაც გააგრძელებდა.

მაგრამ ვახტანგ ჯავახიძეს ფიგურული, გრაფიკული ყაიდა რომ გაიტაცებდა პოეზიისა, ამ შინაარსის ლექსს გარეგნულადაც პირამიდის გამომსახველობას მინიჭებდა.

და ტარიელ ჭანტურია, თვითონაც ოსტატი ფიგურული ლექსისა, საგანგებოდ აღნიშნავდა:

მისი წვლილი ქართული გრაფიკული ლექსის შექმნის საქმეში სხვებისაზე მეტიაო.

და ამ შემაჯამებელ ფრაზას მოადვენებდა იმ მსჯელობას, რომ:

— გრაფიკული ლექსით კაცის გაცოცხლება დღეს, როცა უკვე კარგა ხანია სალექსო სტრიქონებისაგან აგებულია ეფელის კოშკი და როცა ფრანგი ავანგარდისტების ლექსი რახანია „ენას უყოფს“ მკითხველს, რა თქმა უნდა, შეუძლებელია, მაგრამ აუცილებელია ამ თვალსაზრისით განსაკუთრებით აღინიშნოს ვახტანგ ჯავახიძის ცდები...

ამ მსჯელობას კი დაისაჭიროებდა გალაკტიონ ტაბიძისადმი მიძღვნილი ბიოგრაფიული რომანის — „უცნობი“ — პირველ შთაბეჭდილებებზე შექმნილ რეცენზიაში, რათა მკითხველის ყურადღება მიექცია იმ პასაჟისა და იმ გარემოებისათვის, რომ:

ეს კაცი, ავტორი უკვე საკმაოდ ცნობილი „პირამიდისა“, აღნიშნავდა, გალაკტიონს ფიგურული ანუ გრაფიკული ლექსიც ნამოუწყია სათაურით „სამკუთხედიო“:

ო არა მაინც

და დაურთავდა, რომ:

ხელნაწერი ფურცელი ამ ბოლო სიტყვაზე სწორხაზოვნად გადახეულიყო და ძნელდებოდა თქმა — გავრცელებინა და დაესრულებინა თუ არა გალაკტიონს ეს სამსტრიქონიანი პირამიდა.

ტარიელ ჭანტურია ცოტა არ იყოს ეჭვით შეხედავდა ამ მოსაზრებას:

არა მგონია, გრაფიკული ლექსის ეს ემბრიონული ნიმუში იძლეოდეს საშუალებას, დიდი პოეტი ამ ვერსიფიკაციული თამაშის პიონერადაც ჩავთვალოთ.

თუმც მიიჩნევდა, რომ:


ის ზუსტად ახასიათებდა „უცნობის“ ავტორს! ვახტანგ ჯავახიძე ხომ აპოლოგიას წერდა, აპოლოგიის ჟანრული კანონი კი სხვაზე მეტად ჰიპერბოლას ეყრდნობა.

ემბრიონულია თუ არ არის, ნამოწყებად, პირველცდად ხომ მაინც ითქმის, მითუმეტეს, რომ ამას ადასტურებს არა მხოლოდ გრაფიკული ლექსის ოსტატი, არამედ უშუალოდ პირამიდისადმი მიძღვნილი ლექსის ავტორი, პირამიდის გარეგნობას კლასიკური სახით რომ გამოჰკვეთდა.


ამ ყოველივეს გახსენებას რისთვის დავისაჭიროებდი და:

ნიგნისათვის „სახელდახელონი“ ქვესათაურს რომ ვარჩევდი, ამ ჟანრობრივად მრავალფეროვან გამოცემისათვის შესაძლებელი იყო მხოლოდ „ლიტერატურული წერილები“ მეკმარა, იმ მრავალფეროვნებას რომ გულისხმობდა და მოიცავდა, მაგრამ... უეცრად უნდა წამომგონებოდა ვახტანგ ჯავახიძის „პირამიდა“ და ჟანრობრივი მრავალგვარობა სწორედ ამ გრაფიკულ სტრუქტურაში მომექცია:

ესეები დეპეშები ჩანახატები მონახაზები რეცენზიები შეხმანებანი გამომხაურებანი მითუმეტეს, რომ „უცნობის“ შემოქმედის „სახელდახელონის“ ერთ-ერთი პერსო-







ნაყოფიერების ესეებისა და მოგონებების ნიგნით „გალაკტიონის შემდეგ“.

ასე რომ:

ეს ქვესათაური ჩვეულებრივი განსახილველი ნაწარმი ვერ იქნება ნიგნის უანრობრივი თავისებურებისა:

პირამიდაა, სადღაც შუაში არსებული გალაკტიონ ტაბიძისა და ვახტანგ ჯავახიშვილის გრაფიკულ ცდებს შორის, მათი ერთგვარი გამოძახილი.

...მართლაც ნეტა თუ გაეგრძელებინა და დაესრულებინა გალაკტიონის ის სამსტრიკონიანი პირამიდა?!

**ეკლიანი სიკეთე რევაზ ინანიშვილის იგავი და სამრეკლო**



რევაზ ინანიშვილის მინიატურებსა და ნოველებზე ცოტა არ იწერებოდა და სიცოცხლეშივე დაფასებული გახლდათ, მაგრამ მამუკა ნიკლაური ამ სიყვარულითა და მადლიერებით დანერგული სტატიების გაცნობა იმ უსიამოვნო შეგრძნებას მაინც უტოვებდა:

აქ რევაზ ინანიშვილის სტუდია საშაქარლამოს უფრო ჰგავს, ვიდრე სამრეკლოს: საშაქარლამოს, რომელშიც ტკბილი და სურნელოვანი ნამცხვარი ცხვება, სხვა სერიოზულ საქმეს რომ დააყოლებს ობივატელი.

თვითონ არ გაიზიარებდა ამ შეხედულებასა და განწყობილებას და რევაზ ინანიშვილს მოიხსენიებდა მტკიცე, გამოკვეთილი პოზიციის მწერლის, რომლის სიკეთეც როგორც ეკლიანი სიკეთე გახლდათ, რომელიც სახრესავით ნიოდა ვილაციის მოღუწულ ბეჭებზე, და ქვასავით ხვდებოდა ვილაციის თვითკმაყოფილებით ჩაბნელებულ სარკმელს.

და თვალსაჩინოებისათვის მოიხმობდა ნოველს, იგავსა თუ პარაბოლას „ციხარტყელა“, რომელიც იმით დაინყებოდა, რომ ნაწილობრივ მაჩვი სოროს კარს მოდებოდა და მის თვალწინ კი სამხრეთიდან ბრტყელი, ლამაზი ციხარტყელა დაიძრებოდა, აინედა მალა, აინედა და სწორ, მკვრივად შეკრულ თაღს გადახაზავდა. და ცოტა ხანში მეორე ციხარტყელა ამოიზრდებოდა...

მაჩვი იმ არემარეზე ყველაზე თადარიგის სულდგმულად რომ აღიარებულიყო, თადარიგის და დიხჯ, მაშასადამე ბრძენ სულდგმულად, ჯერ მარტო სორო როგორ იქნებოდა — ღრმად წასული, მიხლ-

ართულ-მოხლართული, ლაბირინთიანი, სართულოვანი და დიდებულად მომტკიცულდარბაზოვანი.

მამუკა ნიკლაური მკითხველს ყურადღებას მიაქცევინებდა სიტყვაზე: მაშასადამე — როგორი სიზუსტითაა აქ ჩასმული, მემჩანის სუნი ასდის თითქოსო...

ამ დროს მაჩვის კურდღელი უნდა ნადგომოდა, რომელიც მობოდა, რომ ციხარტყელა — ეს ენითუთქმელი სილამაზე და მშვენიერება — ახლოს ენახა; და მაჩვისათვის სრულიად გაუგებარი რომ აღმოჩნდებოდა ეს ლტოლვა, გაქცეულ კურდღელს ჩაუქრქრქლებდა: ნადი, ნადი, არავინ მოგასწროსო!..

და ათვალწუნებით უნდა გაეხედათ ალტაცებული კურდღლისათვის სველზე მცურავ ლოკოკინებსაც.

სალამო კი უნდა ბრწყინდებოდეს და ბრწყინდებოდეს, ისმოდეს ჭიკჭიკი ნინკანებისა და ჩიტბატონების, და ძახილი მოლაღურების...

და უცრად სოროს ხმა უნდა გაისმას და ციხარტყელას თაღქვეშ, ნარინჯისფრად განათებულ ჩოქელა ვერხვების თავზე პატარა, თეთრი კვამლი ავარდეს...

მაჩვმა სოროსაკენ უნდა დაიხიოს და საშინელი სიჩუმე ჩამოვარდეს... მეორე სივსივით უნდა აფრინდენ წყლის ქათმები და ფრთების აჩქარებული ქნევით წამოვიდნენ მაჩვისაკენ.

რა მომხდარიყო და: კურდღელი მოეკლათ.

— ჰიყ! — კმაყოფილებით უნდა ამოიხროს მაჩვმა, — დატყულებული თავის ადგილას, სად მირბოდა?

დააკვირდით ამ „ჰიყსო“, — ურჩევდა მკითხველს მამუკა ნიკლაური — თითქოს ამ სიტყვამა შეერთებული სიმსუქნის ბოყინი, დაჩლუნგებული ვნება, დამძორებული ხორცი, ლოგინის შმორიანი სითბოო...

მაგრამ თან შიშაც უნდა ეგრძნო მაჩვს, სიფრთხილეს თავი არ სტკივავა, შემძვრალიყო სოროში და სადამომდე გარეთ აღარ გამოეხედა, მკვდარიყო მეუღლის ნინ გაბებღვილი...

ეს სიტყვა — გაბებღვილი — უნდა მოსწონებოდა კრიტიკულ-ესთეტიკური ესეის ავტორს: რა ზუსტიაო — და გაეხსენებინა გრიგოლ აბაშიძის სიტყვები, რევაზ ინანიშვილის ენის თავისებურებაზე: ახალი სიტყვა უბის ნიგნაკებიდან კი არა, სათქმელთან ბრძოლით ჩნდება მის მოთხრობებში...

მაჩვს კი ლაბაზამოშებულს უნდა ემტკიცებინა:

— ჭკუა დიდი საქონელია! თუ ჭკუა გაქვს, არავინ მოგკლავს, ნავიდეს, ახლა უშველოს ციხარტყელამ! ციხარტყელა! ჰიყ!..

და ამ იგავისა თუ პარაბოლის სათქმელი ასე უნდა განზოგადებულიყო:

ვინ იცის, რამდენი ლაპარაკობდა თავის მყრალ სოროში ასე, როდესაც ილია ჭავჭავაძე და ფედერიკო გარსია ლორკა დახოცეს. ვერ თავსდება ერთმანეთთან მონის, ლარის ჭკუა და ტყვიის სამიზნეზე შემდგარი გატაცება. ასეთ „ტკბილეულს უშვებს“ რევაზ ინანიშვილის სტუდიაო.

და ესეისაც ყველაზე ზუსტი და ტყევადი სახელწოდება მისადაგებოდა: „მწერლის სამრეკლო“.

სწორედაც სამრეკლო.

ამ თვალთ რევაზ ინანიშვილის მომხილავი მხატვრული სამყაროსათვის მანამდე რომ არავის შეეხედა, მიუგნებელი არ უნდა დარჩენილიყო და არც დარჩენილა, „ტკბილეულის“ მიღმიდან უცრად ეკლიანი სიკეთე რომ გამოასხივებდა.

\*\*\*

ნავიდეს ახლა და უშველოს ციხარტყელამო...

არა, ჭკუა მართლაც დიდი საქონელია; თუ ჭკუა გაქვს, იცხოვრებ უზრუნველად...

**ჯალალ-ედ-დინ რუმი ქართული სამყაროს ბინადრად ზვიად გამსახურდიას ნინასწარი შეფასება**

გიორგი ლოპუშანიძის რომ შევეხმიანებოდი ფეისბუქით, აპოლოგიას მისი მრავალმხრივი ნიჭიერებისა ავაგებდი ჯალალ-ედ-დინ რუმის „არსთა მესნევის“ თარგმანის ირგვლივ, კონსტანტინე გამსახურდიას უცრდოსი ამ ჩანაწერს ამ სიტყვებით გამოეხმაურებოდა:



— მამაჩემისგან მახსოვს ასეთი ნათქვამი: „არსთა მესნევი“ ისეთი ქმნილებაა, რომ მისი თარგმანი რუსთველოლოგიას და მთელი ჩვენი კულტურის კვლევას ფრიად წინ წასწევსო. ვულოცავ ბატონ გიორგის ამ დიდებული საქმის გასრულებას.

და გიორგი ლოპუშანიძე დიდ მადლიერებას რომ გამოხატავდა ამ მილოცვისათვის, დასძენდა:

— ნათელი საქართველოს პირველი პრეზიდენტის სულს.

ზვიად გამსახურდიას დიდ ნაკითხობასა და განათლებას ყველა აღიარებდა, თვით მისი ყველაზე შეურიგებელი მონინააღმდეგენიც, პატივისმცემელი კი ჯერ კიდევ მისი ახალგაზრდობისას ამბობდნენ გაცვიბო:

სად იტყვებ ამდენ ცოდნას, ნეტა გაგვაგებინაო!..


ჯალალ-ედ-დინ რუმის პოეტურ მემკვიდრეობასაც სიღრმისეულად რომ იცნობდა, უშუალოდ მაინც „ვეფხისტყაოსნის“ სახისმეტყველებაზე“ მუშაობისას გამოადგებოდა, ცალკე თავად რომ დაისაჭიროებდა სუფიზმის შემოტანას — კერძოდ სუფისტური მიჯნურობის შედარებას „ვეფხისტყაოსანთან“.

ზოგადი თვალსაზრისით თავისთავად. სახელდებით კი იმ პასაჟში, როდესაც აღნიშნავდა, რომ:

სუფისტურ ასკეტიზმს, რომელიც აღმოცენებულიყო არაბეთის ქრისტიანი ბერების გაკლენით, შეექმნა ეროტიკული პოეზია, სადაც მიჯნური გახლდათ სიმბოლო ღვთისა, საღვთო სიბრძნისა, და მისადმი ვნება ალევორიულად განასახიერებდა სულის მისტიკურ შერთვას ღმერთთან ანუ რუსთველის თქმით: შერთვას ზესთ მწყობრთა წყობისა. ამგვარ მიჯნურობას კი იშყი მაჯაზი ეწოდებოდა.

და ძალდაუტანებლად მიაღწევდა:

ამიტომაც უნოდებდა თავს ქრისტიანს დიდი სუფი პოეტი ჯალალ-ედ-დინ რუმი: მუსულმანებო, თუ არის ქვეყნად მიჯნური ვინმე — ეს მე ვარ, თუ არის ქვეყნად ვინმე მორწმუნე და ქრისტიანი განდგილი, ეს მე ვარო — და როგორც ვხედავთ, პოეტი-სათვის ეს ორი რამ იდენტურია. აღსანიშნავია, რომ ჯალალ-ედ-დინ რუმი და ჰალა-



ჯი იესოს მიიჩნევდნენ სუფისტების მოძღვრადო.

და კიდევ იმ პასაჟში, როდესაც აღნიშნავდა, რომ:

სუფიზმი მიელტვოდა ყველა რელიგიის გაერთიანებას ეზოტერიზმის საფუძველზე, მაგრამ მისთვის მაინც მთავარი იყო ქრისტიანული ფილოსოფია.

შემთხვევითობად არ უნდა აღგვექვა, რომ სუფიების მთავარი პატრონი გახლდათ წმინდა გიორგი ანუ ხიზრი (ხიდრი), რომელსაც ფარულ მოძღვრად აღიარებდნენ. და ასევე ელია ნინასწარმეტყველი.

სუფისტები მიუთითებდნენ ქრისტიანობასა და ისლამს შორის ღრმა კავშირზე და თავს მიიჩნევდნენ ეზოტერულ ქრისტიანებად, ხოლო საღვთო წერილს, როგორც ბიბლიას, ისევე ყურანს, განიხილავდნენ ალევორიულად, ამასთან განასხვავებდნენ მის შვიდ ძირითად ალევორიულ მნიშვნელობას.

და თვალსაჩინოებისათვის ვინ უნდა მოეხმო ზვიად გამსახურდიას, თუ არა ჯალალ-ედ-დინ რუმი, რომელიც ამბობდა:

— იესო შენშია, ეძიე მისგან შველა.

და გაიხსენებდა დასავლელ მკვლევართა გაცნობას იმ გარემოებით, რომ რუმის შეხედულება ქალზე ძალზე აღმოსავლური გახლდათ, კერძოდ: ქალი გართობის საგნად კი არ ესახებოდა, არამედ ღვთაების სხივად.

ამ შეხედულებებით კი რუმი ენათესავებოდა პავლე მოციქულის მოძღვრებას, რომლის მიხედვითაც ღმერთი, ქრისტი თვით ადამიანში იმყოფებოდა:

— არა მე, არამედ ქრისტი არს ჩემში.

და აგრეთვე ქრისტიანულ საღვთისმეტყველო მოძღვრებას მარადქალურის, ვითარცა ღმერთის, სულიწმინდის ერთერთი ასპექტის შესახებ.

რომ დასცლოდა ზვიად გამსახურდიას კვლევა-ძიების გაგრძელება, კიდევ არაერთხელ მოიშველიებდა ჯალალ-ედ-დინ რუმის პოეტურ ნაზრევს, და უსათუოდ გაიფიქრებდა ხოლმე:

ნეტა როდის ველირსებით „არსთა მესნევის“ ქართულ თარგმანს, სრულფასოვანსა და კომენტირებულს, როგორ გამოგვადგებოდნენ.

ძალიანაც არ გადაიდებოდა ამ ნატვრის ახდენა.

შესაფერისი კაციც უნდა გამოგვჩვენოდა და შესაფერისადაც აღესრულებინა ეს დიდებული, სამვილიშვილო საქმე.

გიორგი ლოპუშანიძეს უკვე მოთავებული აქვს „არსთა მესნევის“ ექვსტომეული — მისი ქართული ორეულიც და კომენტარებიც და ექსკურსებიც თანადროული აღმოსავლურ-დასავლური მეცნიერების ყოველგვარი მონაპოვრის გულდასმით შესწავლა-გათვალისწინებით.

და ეს გამოჩენილი ნაღვანი თანდათან ამოდის მზის სინათლეზე საქართველოში ირანის ისლამური რესპუბლიკის საელჩოს კულტურის განყოფილებისა და „სულაკაურის გამომცემლობის“ წყალობით.

ორი წიგნი უკვე ხელთა გვაქვს.

და მისი გასრულების ხილვასაც მალე მოვესწრებით.

მისი მნიშვნელობის შეფასება კი აღარც დაგვჭირდება, რადგანაც ნინასწარვეა შეფასებული ზვიად გამსახურდიას მიერ:

— ეს თარგმანი რუსთველოლოგიასა და მთელი ჩვენი კულტურის კვლევას ფრიად წინ წასწევს.

წასწევს და მერე როგორ!..



ვახტანგ  
ჯავახაძე

საცა შენი თქვა...

სიტყვა ერთი — კრიალა და წკრიალა —  
ამედევნა ადრეული ასაკიდან:  
წამოგყვები — სადაც გინდა, კი არა —  
საცა გინდა, საცა გინდა, საცა გინდა!

მკითხეს: რატომ განასხვავე საცაო?  
შეარიგე სამინე და საცაო!

შედაკება არ მოიკოჭლებს

ფიროსმანი გამახსენდა  
სანიშნო მაგალითად:  
ნესტანი და ტარიელი —  
ოსტატი და მარგარიტა.

ბალახტიონის კაბლი ილიას გამგირზე

წამოეპარა ცათამბჯენი სულთამხუთავი,  
ქვასაც უჭირს და ლამისაა სული ამოხდეს,  
ამაოდ ეძებს სხვა პედესტალს — მაინც უკვდავი:  
აქედან ველარ გადახტება, უნდა ამოხტეს!

გვიპტელი ტურისტი

მაგ პილიგრიმს ნუ მოაკლებთ  
ხინკალსა და ალადასტურს  
და ქარაგმებს ნუ აკადრებთ —  
გადაკრულს და აუგანს:  
როგორც ამბობს მათიანე და ვიდეოც ადასტურებს,  
მას ოდესღაც უდაბნოში პირამიდა აუგია.

ლავის ფოთოლი

არც გაგრელი ვარ და არც ფოთელი,  
მიყვარს ლეღვი და ლეღვის ფოთოლი.  
ზღვამ შემეყვარა ნუთისოფელი,  
გადამავინცა მწირი გოდოლი  
და ისე გამადედიშობილა,  
ლეღვს მირჩევნია ლეღვის ფოთოლი.

წუთისოფალი

პურმარილი გამიძვირა,  
მწარედ მეონლაინა:  
ვირა!  
ვირა!  
ვირა!  
ვირა!  
ვირა!  
ვირა!  
მაინა!!!

არა ანტი!

თუ აღმოგაჩნდეს ტალანტი,  
დალანდე გემი „დალანდი“,  
აღმოაჩინე სალვადორ  
დალი და არა დალ-ანტი.  
არ დაგავინწყდეს მიხეილ  
ტალი და არა ტალ-ანტი,  
არ დაგვივინწყდეს სვანეთის  
დალი და არა დალ-ანტი.

შოუ და შოუ

მიყვარს მეგრული შოუ-ნანა, შოუ და შოუ,  
მომწონს და ორჯერ მომწონს ბერნარდ შოუ და შოუ.  
აკაკისა და ვაჟას შუა და ტატოს შუა —  
გალაკტიონის შოუ მიყვარს და შოთას შოუ.

როგორა მყავს შენი თავი?

როგორა მყავს შენი თავი, შენ ხომ ჩემი გოგონა ხარ,  
სხვებთან ერთად კი არა და —  
ჩემთან ერთად როგორა ხარ?  
ჩაქრა ყველა ჩირალდანი, დარჩა ჭიაკოკონალა,  
სხვისთვის როგორ გაგამეტებ,  
ჩემთან ერთად როგორა ხარ?  
ჩემს ბილიკზე მალალ ყორეს აშენებენ მეყორენი  
და მე ისე როგორ გაუძლებ, ჩემთან თუ არ მეყოლები?!

შემდეგ

არ მიყვარს რამერუმე და მით უფრო — რამერუმენი,  
ვარაუდს აღემატება ჭეშმარიტება ნაქები,  
შორიდან გამითამამდა სატელეფონო რომანი,  
მოსალოდნელზე მეტია და სასურველზე ნაკლები.

ბანალური

სხვებს — რომის და ვენის მისამართები,  
სხვებს — ჟენევის ბანკის მილიარდები,  
სხვებს — წინასწარ ჩანსობილი კარტები,  
სხვებს — ტვიშის და ოჯალემის კვარტები,  
მე კი — სილა და სილაში ვარდები!

თოვლაი

შარშანდელმა დამავინცა თოვლი შარშანწინდელი,  
ველოდები წლევეანდელს და ხვალინდელს  
და ზეგინდელს,  
ვერცერთმა ვერ აიტანა ყვითელი და წითელი,  
დავა გაუჭიანურდათ ოსტატებს და შეგირდებს.  
ფერი ფერს და მადლი ღმერთს და უცნაური კამათი  
გაგრძელდა და მე ვერავის ვეღარ დავეტოვებო,  
ოლონდ მინდა შევაყოვნო განაჩენი ამათი  
და თეთრი და იისფერი შევარიგო თოვლები.

იაქე

დროზე მოვიდა იაქე,  
დუშაში გავაქაქე,  
იმდენი ვიფორიაქე,  
დამჭირდა მეაფთიაქე,  
პარასკევს ვიკონიაქე  
და შაბათს ვიკვირიაქე,  
კვირას ყვავილი მივართვი:  
ვარდი არა და ია ქე.

ჩემი კაქრანო

გერმანია ისე მეგერმანია,  
ვაქე, ცოტაც წავიმიეთ-მოეთე:  
მარიამი ჩემი ეკერმანია,  
სამწუხაროდ მე ვერა ვარ გოეთე.

შაღრეპანის ვეღრეპა

ნუ დაუჯერებთ პურიტანს,  
ნუ ანდობთ სახლის გასაღებს,  
ვინც დიუშანის უნიტაზს  
შადრევენად შემოგვასაღებს.



ირინა

შარშანდელის ბაღი

სალამოხანს, ვარენკას ბაღში, აჩემებული სიმღერა —  
„საყვარლის საფლავს ვეძებდი“...  
და ქვის ძელსკამთან ხვლიკის სიცელქე...  
მატარებლიდან მემანქანის გაქცეულ მზერას  
მწერივით ვიჭერ.

არადა, ყველაზე სუფთა ახლა  
ქუჩის ლეკვთან აღერსის გაყოფა,  
თან, ვაჯერებ, რომ მანანალობა დიდი ნიჭია.

ეს ატეხილი ცაც და წვიმების ჟინყლაობა  
ისე ამშვენებს ჩემს გადაღვლილ სარაფანს...  
ამ ცრემლმორეულ ღიღინში  
მთელი ეს პოეზია რომ მოვმუშტო...  
გავუყვი ტროტუარს გულამოსკვნილი...

წინ ფართო ხიდა, ქვემოთ — ყვირილა.  
აი, ის მდინარე, ჩემზე მეტს რომ ჰყვირის.  
ჰო, ის მდინარე. გახსოვთ,  
რომ არ ვანდე ჩემი ამბავი?!

აი, ის ძიაც (ხიდგაღმა), რომელსაც ვენდე.  
როგორ მინდა, მოხატოს შორიდან ჩემი შიმშილი,  
ან პურს მოამტვრიოს ყუა,  
ან ღიღინში ამყვეს.  
ის კი დგას, ვერცხლის სასმისივით განსხვავებული,  
თვალეებით მანიშნებს შორიდან,  
რომ ჯერ ისევ პატარა ვარ,  
რომ არსობის პურისა  
მხოლოდ ჩიტებს სწამთ.

ვინმე შეარხიეთ საყვარლის ქმუნვა,  
უთხარით,  
რომ გათხოვება გადავიფიქრე,  
უთხარით,  
რომ მისი საფლავი მოსაძებნადაც ადვილია,  
ისიც უთხარით,  
რომ ახლა მხოლოდ წერაობის დროა...

წუხელ დოლ-აკორდეონზე რომ ჩამოჰკრეს,  
„შეიფრთხილა მგოსანმაო“,  
ფრიალი გაჰქონდა ჩემს კაბას,  
შემდეგ — შიშაც,  
მაგრამ გეფიცებით,  
არც კი დავღვლილვარ...

ჩავიქროლე წალენჯიხაშიც,  
არავინ და არაფერი სჭირდებოდა  
სხუელს თიბათვეში ისე ძალიან,  
როგორც ჩემივე თვალეებით წამოღებული სინმინდე  
ოცდათექვსმეტი წლის ბიჭის.

გახსოვდეთ,  
თქვენ, ყველანი,  
დამნაშავეები ხართ,  
ვისაც არ გესმით მართალი ღიღინის,  
თქვენ, ყველანი,  
ვინც პოეტთან უნამუსოდ გამართლდით,  
პასუხს აგებთ!  
ისევ და ისევ  
„მესმის ცხოვრება, როგორც ტალახი,  
და პოეზია სიხარულია“.

მე კი ასეთი გულმოდელილი,  
მარტოხელა და მყვირალა,  
ყველა გზაჯვარედინთან,  
სადაც შარდის გუბებია,  
ყოველ გუბეში თეთრი ტერფების ჭყაპუნით ვხტები.

ბოლოს — კარი იმ სახლისა,  
სადაც ვიკეტები  
და ახალ წიგნში თავზე ლაფს ვისხამ;





ტაბალუა

შუალამისას სანოლამდე ძლივსმითრეული ჩემი, ხელშესავლები, ცახცახა ტანი, სწორედ ისეთი, როგორიც აჩემებულ სიმღერაშია: „ეკალში ვარდი შევნიშნე, ობლად რომ ამოსულიყო“...

კაბა-შარვალი

კარგა ხანია კაბა-შარვალი აღარ ამომიცვამს, ისეთი სამოსია, თითქოს სულ კაცი გყავს ზედ შემომჯდარი, გადი-გამოდიხარ, დაალაჯებ, შენია ეს ქვეყანა, არც ადიდებული ქოროხის გადმოლახვა გინდა ვინმესგან. გაზაფხულიც ხარ სულ ხვანა-თესვაში, ხან — მიტოვებული ხანაც — გამოტოვებული...

მოხუცი მარგო შემომყვირებდა ხოლმე მდინარის პირას: კაბა ქვემოდან არ ამოიცვა, სილამაზე იკარგებო, ზემოდან სჯობსო, მეც ზემოდან მიყვარს დღემდე კაბის ჩამოცმა, მაგრამ კაბა-შარვალს სულ სხვანაირად ვირგებდი.

სადღაც, ჯანდაბაში, სიღრმეს რომ მზერა შეეყინება, ისეა ჩემი დღეები, თან იცი, ჭირხილივით მშრალი ქალობა შენი საქმე არაა. ისიც იცი, ციკლისწინა გამოდინებამდე, ტანს რომ მთელი საგიჟეთი აქვს გამოსახარში... შე ქალო, ამასაც ხო ძალა უნდა, თუ გამბედაობა?! და რა არ გაბედე, რა დააკელი თავს, რანაირი პოეტი ხარ, თამამად თუ ბუზი არ დაინახე ვაკნარზე?!

ნაბახუსევე შენი მზერა ისე მჩატეა, ისე ლოკავ ძვალსა და რბილს, მოგუდულ სლოკინში ფიქრიც გერევა. თვალს გადაავლებ მწინის და ხელსახოცს, ჩაიცლი ყელში ყველა დარდს და სანამ რამეს წამოროშავ, ტოვებ დუქანს ისეთი დალილი, თითქოს გუდა იყო სილით სავსე და სადღაც მიეგდო შეფენილში, ირგვლივ კი ქალები — მოუცლელეები, ყანაში გაქცეულები, პირსა და ხელში ტაროგამოვლებულები.

არადა, ხელამდე გული ხომ იყო, თვალის ხომ იყო, არც გული გელღებოდა, არც — თვალი. იმ შეღიბინებაზეც ნაძალადევად ვბჭირდებოდი... შენი თითებიდან გამოსული სიტკბოება... ნელ-ნელი დება და კვნესა, თაფლის საფენივით საამო, და კოჟორაც... კარგი იყო წყაროსავით ქალობაც, მერე მინაც იძრა და შემცვალეს შენარევებმა.

მოგვწონდა თმენაი საკვირველი, ვნებაი საკვირველიც, ახლა წერალა დარჩა საკვირველი, წერას აყოლილმა ხელიდან წასვლაც იცის.

როცა დამაცხრე და შემითავსე, როცა ჩემს ტანში იდგა აღმური, მახსოვს, თვალეები სიცრუით სავსე, მაგრამ ხელეები — გენიალური.

დავალ ისევ მოგონების ფსკერზე

დავალ ისევ მოგონების ფსკერზე, ისევ ცეკვის ხასიათზე მოველ, შენ უდარდელ გალიმებას ვეძებ, რასაც გინდა, შეგისრულე — მთხოვე!

ამინდია ნაცრიანი ღრუბლის, ამინდები სულს ღებავენ ჩვენსას, მითხარი და ზეცის მკაცრი შუბლი გაიხსნება, განათდება ზეცა.

მითხარი და დაეშვება თოვლი, მითხარი და გაზაფხული მოვა, მითხარი და ამწვანდება მოლი, დაინყება ყვავილების თოვა.

აგვესება ორქიდეით ეზო, მთხოვე, ნურას ნუ მოითმენ თმენით! ოლონდ, ნუ მთხოვ, დავინყება შევძლო, დავინყება რომ შევიძლო შენი.

თავს მოვიკლავ წინაპრების ხმალით, ანდა თავით გადავშვები მტკვარში, ოლონდ, ნუ მთხოვ, შეველიო ძალით გულისძგერას შენი თმების ქარში.

ოლონდ, ნუ მთხოვ, შეველიო თითებს, თითებს შენსას ფაიფურზე მკრთალებს, შენს ბაგეებს ეშმაკურად წითელს და შენს თვალებს და მაგ თვალთა ქნარებს.

დავალ ისევ მოგონების ფსკერზე, ისევ ცეკვის ხასიათზე მოველ, შენ უდარდელ გალიმებას ვეძებ, რასაც გინდა, შეგისრულე — მთხოვე!

მონეტიალე უფსკრულის პირას

შენ დაღლილი ხარ, ძლიერ დაღლილი, ახლოა მინა, შორია ზეცა, გულის ყოველი ამოძახილი მომაკვდავების ჩაგესმის კვნესად.

გამოეცალა შენს ყოფნას აზრი, ნელ-ნელა ასე, თვალს და ხელს შუა, ცხოვრებისათვის შენ ასე დაცლილს მცირე ნუგეშზეც გითვლიან უარს.

შველის სხვა დალლას მძიმე, ღრმა ძილი, ეგ კი ისეთი მძიმეა დალლა, ამღვრეული გაქვს ცხოვრების ნირი, მხოლოდ სიკვდილზე ფიქრობ შენ ახლა.

სულმოკლეობად ნურვინ ჩაგივლის: რადგან გადიან დღეები და შენ ქარიშხლის ყბაში ყოფნას არ აჩენ, სულზე გადაკვრას სასტიკი ფითრის.

აჰა, გამოხვალ ქუჩაში, გინდა, გინდ არ დატოვებ ბინის გალიას, ყველგან მაღალი გილოტიჩინა და კოცონების ცეცხლის ალია.

სამყარო მაინც ლამაზი არის, რა არის, თუნდაც, თვალეები შევლის, ან ბრმა კაცისთვის ახელა თვალის, მაგრამ ეს ყველა შენ ველარ გშველის.

რომ ზედმეტი ხარ, დადიხარ ბარგად, არაფერს ნიშნავ სამყაროსათვის — შენ ეს უწინაც იცოდი კარგად, მაგრამ სიცოცხლეს მაინც ლოცავდი.


ახლა კი შენ და ცხოვრებას შორის გაჩნდა უფსკრული უკვდავად ვრცელი და მის გაქრობას ფიქრითაც შორით, ფიქრითაც შორით შენ აღარ ელი.

კინისრი პარგამენტაჰის ძვეს

როცა ვიგონებ ჩემს ნანერებს დადგმულს დასტებად და მიმოფანტულს კიდევ რამდენს სხვადასხვა ალაგს, ცხოვრების ჩემის მდინარებას, ქვეყნიურ ღალას, — არ ვიცი, საით, მაგრამ ჩემს გულს მღურვა დასცდება.

ეს ნანერია, რაც ჩემ შემდგომ ქვეყნად დარჩება, სულის და გულის მე იმათში ვაქსოვე ძალა, და, ჰა, კეისრის პერგამენტებს დაფყურებ კვალად, როდესაც მხოლოდ მათ ეკუთვნის ჩემი არსება.

იქნება ახლა სადღაც ჩემთვის დანა ბასრდება, შხამი მზადდება, გეგმა წყდება, გულს შური ღალავს, დღე ხვალინდელი ჩემ დაღუპვას ზრახვებში მაღავს და ჩემს ნანერებს ობოლთ ბედი ელით მტაცებლად.



თორნიკე კანდელაკი

მომავალი წიგნიდან „ქარების სახლი“

მე ვცილდებოდე უნდა ყოველს, რაც მეტმასნება, — ამ პერგამენტებს, ამ სავარძლებს, შფოთიან პალატს, ვაშთობდე ფიქრს, რომ მზეს უთუოდ ვიხილავ ხვალაც და ეს ყოველი სულის სამარხს არ ემსგავსება.

დაჰყვება ჩემს გულს ამ წუხილის ყოველგან ჩრდილი და როგორც მინა განუწყვეტლად გარდამავალი, ვარ ორი მეფის უბოლოო ბრძოლით დაღლილი.

მე თქვენი, ჩემო ნანერებო, ბევრი მაქვს ვალი, გთხოვთ პატიებას, არ დამზოგა ბედმაც სრულებით და დამრჩა თქვენი გუმბათები დაუსრულები.

გთხოვთ პატიებას, უშფოთველი წაგართვით ძილი, სად ტრიბუნები ათასობით შემოგცქერთ თვალთ, ნახევრად შიშვლებს ორატორის გიყარეთ წილი.

მაგრამ არ შედრკეთ, არ ჩაიქროთ მხნეობის ალი, მარადისობის ბაგეთაგან ნაჩურჩულები ნანგრევებითაც შეიცნობა თქვენი სულები!

ოი, საბრალო ალვის ხის ნერგო, მე მებრალეები, ო, მებრალეები, ასე მწუხარე ხვედრი რად გერგო და სევდიანი რად გაქვს თვალეები?

ო, მენანები და მეცოდები და გული მინუხს შემხედავს ამის, შენ გემუქრება ცეცხლის მოდებით ბორბალი ქარის, სიცივის, ღამის.

მის ტრიალს შენ ვერ გადაურჩები, შენთვის ყოველი დილა შორია, ლოგინად გეგო ცივი ქუჩები და სახლად მძიმე ბუტაფორია.

ო, განდევნილო და განწირულო, ოკეანეში მგლოვიარების! თვალი ვერასდროს უნდა მილულო და იყო მარად ხელში ქარების.

შენ ბედს დასციინის ყველა დემონი, მათთვისაც შენი ყოფა კრულია და სახეებიც გარეშემონი ყველა ერთ გულცივ ფერხულს უვლიან.

ოი, საბრალო ალვის ხის ნერგო! მე მებრალეები, ო, მებრალეები! ასე მწუხარე ხვედრი რად გერგო და სევდიანი რად გაქვს თვალეები?

დუშაპი

მოთაქვა

სამზარეულოდან გამომდინარე სურ-
ნელი ერთდროულად აღძრავდა მადასა და
მისი დაკმაყოფილების იმედებს.

ცოტაც და ოფიციალურად დადასტუ-
რდებოდა ძველ მეგობრებამდე მისული
ხმები — ნათესავის სასაძილოში თავის
დროზე ხათრით მიღებულ ნოდარს ხელი
სერიოზულად გაუნაფავსო.

შესაბამისად, დიასახლისის შინარყო-
ფნაც მეტ თავისუფლებას თუ ნიშნავდა,
თორემ არაფერს ამავედდა.

ერთი, ნარდის საქმე ვერ იყო კარგად.
თუმცა სპორტის ამ წინასაქეიფო სა-
ხეობას იმ დროისთვის უკვე დაეკარგა სა-
ერთო-სახალხო ავტორიტეტი. შეიძლება,
მასპინძელსაც ამიტომ მიევიწყებინა, კა-
მათლები რომ სცოდავდნენ.

ვახოს და კოტეს კი საერთოდ წარმოდ-
გენაც არ ჰქონდათ ამაზე, ნარდს როცა
მიუსხდნენ.

1 : 0

— გააგორე! — ცალი კამათელი აიღო
ვახომ.

— დაინყე, გითმობ, — დიდსულოვნება
მოინდომა კოტემ. მიზეზიც განმარტა, —
პედაგოგი კაცი ხარ.

— აჰ! ძალიანაც ნუ დავიხარჯებით! —
პატივისცემა ხელების სავსავით აისხლიტა
ვახომ.

კოტემაც ჯერ ერთი კამათელი გააგო-
რა, მერე — ორივე.

სულ მალე კი ისეთი ტკბილნარდული
პაექრობა ატყდა, ნესიერად ველარც გაა-
რჩევდი, რა ქართული ენისა და ლიტერა-
ტურის მასწავლებელ ვახოს აღმოსდებო-
და და რა — კოტეჯების ქსელ კოტე-ჯის
მფლობელ კოტეს.

- ფანჯ-იაქი.
— სე-ვაი-დუ.
— ჩარუ-სე.
— ჩალურსმე? რა ჩალურსმე?
— აბა ერთი შაში!
— შაში არა — შაში.
— გენცვალე — დუ-იაქი... ეს იაქი...
— დუც მეტეკევე.
— ბეშ-დორთი.
— ბეშ-დორთი არა — დუშან-ბე.
— აბა, ფანჯი-ჩარს ხომ არ ვიტყვი —
ბავშვია იქით.
— ბავშვი, თორემ რომ დაუხატო, ვერ
იცნობს.

- ვერ იცნობს.
— რატომ ვითომ?
— იმიტომ, რომ ხატვა არ ვიცი.
— ხატვა თუ არ იცი, ბეშ-ოთხი თქვი.
— შაში სად არის, შაში?
— გასულია.
— ორივეს თავში ხვდება. ეს ერთი...
— ყოჩაღ, ძმაო. ლიონიკის გული გქო-
ნია.

- ლიონიკი არა — სტაკანჩიკი.
— შაში-მეთქი!.. ვაააჰ.
— ჩარი ვაქოთ და ვადილოთ.
— ახლა კი არ მოვა დუ-იაქი.
— შაშის კარი აიღე?
— შაშის კარიც ავიღე და — ტაშისკარ-
იც.

- დუბარა.
— აგიფეთქე ყუმბარა.
— ყოჩაღ შენ.
— არა ბიჭო.
— დუბეში.
— გამოგიდგა ხრუბები.
— გამოგიდგა რაღა იყო?
— ბავშვს უმადლოდე.
— დორიჩარი.
— დიდი ხისკენ მოიქარა.
— მადლობა, ბავშვო.
— სწორია.
— დუსე.
— ქაქში თითი ტუცე.
— ბავშვი?

- კაი ახლა — ეგრე პატარაც არ არი.
— იაგანი.
— მმ... სამინისტრო შინაგანი.
— ბავშვო, შენ არაფერ შუაში ხარ. —
უკეთესი ვერაფერი მოიფიქრა...
— ეს — ერთი! — თქვა ბოლოს ვახომ.
ბოლოს რა — პირველი ხელის ბოლოს,
თორემ ყველაფერი ახლა იწყებოდა.
— დუშაშეც იცი? — ჰკითხა კოტემ.
— რა?



ზაზა
ბიბილაშვილი

- ლექსი.
— როგორ არ ვიცი. არ მითქვამს?
— არა.
— რანაირად გამომრჩა.
— არ გაგორებულა.
— მართალი ხარ შენ... მოიცა, დუშაში
კი არა... შაში გაგორდა?
— კი, ორჯერ შენ გააგორე, ოთხჯერ
— მე.
— ვა! და მინც მე მოვიგე? ესე იგი, მა-
გარი ვარ.
— „კი, კი“, — გაიფიქრა კოტემ.

1 : 1

- ახლა გეტყვი დუშაშე, — პირობა
გასცა ვახომ.
— იქნებ ისეც არ მოდის? — რისკფაქ-
ტორზე მინიშნა კოტემ.
— ვა, რას ჰქვია, არ მოდის? მაგის ნე-
ბაა?
— აბა, ვისი ნებაა?
— ალბათობის თეორია გაგიგონია შენ?
— ცალი ყურით.
— ჰოდა, მერე ყური გაამზადე. ლექ-
სი უნდა ვთქვაო! — ვახო კატეგორიული
იყო. სამაგიეროდ, ცოტა ხანში — გაკვი-
რვებულა, მერე კი აღშფოთებული ფიქ-
რობდა:
„რატომ არ გორდება შაში?! რატომ?!“
„შაში არ გორდება“, — ფიქრობდა კო-
ტე.

დუშაში, მით უმეტეს, არ გაგორებულა.
თუმცა, წინასვან განსხვავებით, ეს ხელი
კოტემ მოიგო.
ანუ ანგარიში ერთით ერთი გახდა. ანუ
— მხოლოდ ერთით ერთი, მაგრამ პედა-
გოგი ვახო ამ საქმის ასე დატოვებას ამკა-
რად არ აპირებდა — დაჭყეტილ თვალე-
ბთან ისე იტრიალებდა კამათელს.

- არ გამოვა ასე!
— ანუ შენ თუ მოიგებ — გამოვა, მე თუ
მოვიგებ — არა? — ორმაგი სტანდარტის
ნიშანი შენიშნა კოტემ.
— მაგას ვინ ამბობს?
— აბა, რას ამბობ?
— რას ვამბობ და... ნოდარ!..
— დიახთ! — სამზარეულოს ზღურბლ-
იდან იხუმრა მასპინძელმა.
— კამათელს რაღაც სჭირს.
— ა? უიჰ! შეატყევეთ?
ნოდარს ადრე ვიღაც დანაძლევებია —
ათ გაგორებამი ხუთ დუშაშს დავსვამო.
ამბობდნენ, შვიდიც დაუსვამსო. მაგრამ
იმ
ჯერზე ერთხელ გაუგორებია შაში-ბეში და
ერთხელაც შაში-დუ თუ რაღაცა, შაში მე-
ტჯერ — ვერა. თუმცა გაგორების ოსტატი
რისი ოსტატი იქნებოდა, კამათლებისთვის
რაღაც ფარსავი არ შეემჩნია და მერე არ
გაემიფრა კიდევ — რამდენიმე ნიბო ცო-
ტათი მოუქლიბავთო. სანაძლეო სიმბო-
ლური ყოფილა... და რაც იყო, ალბათ იმი-
სი უზრუნველყოფაც ნოდარს დაეკისრა
— უბრალოდ, ამ დეტალის დაზუსტებას
სამზარეულოში მიმდინარე თერმულმა
პროცესებმა შეუშალა ხელი.
— უიჰ, უიჰ, არ გადმოვიდეს, ბოდიში!..
ცოტათი მოქლიბვა უძახე შენ.

1 : 2

- რა ვქნათ?
— რა უნდა ვქნათ, გავერთობით.
— რას გავერთობი — ალბათობას დედა
ალარ ყოლია, — თქვა პედაგოგმა ვახომ
და ერთი ლექსივით რაღაც კიდევ გაიხსე-
ნა, სხვისი, — „შემატყუეს კამათელი, შაშე-
ბი რომ არ აქვს და მიმღერის ახლა მთელი
ალბათობის არაკს.“ რაღა ალბათობაა, შა-
შები თუ არა აქვს?! — კრიტიკოსობაც გა-

მოსდიოდა, მხოლოდ დეკლამატორობა კი
არა.

- ალბათობა ალბათობაა, — უპასუხა
ბიზნესმენმა კოტემ.
— რანაირად?! — აღელდა ვახო.
— ჰო, კაი, არა — ნუ, — დაამშვიდა
კოტემ. ფიქრში კი დასძინა: „იმნაირად“.
— რამდენჯერ გაგორდა შაში? — იკ-
ითხა პარტიის ბოლოს მასწავლებელმა ვა-
ხომ.
— სამჯერ.
— ეგ არის შენი ალბათობა?! ნოდარ!
ნოდარ!!!

- რა გავყირებს, ისეც ნააგე?
— ნაგება რა შუაშია?!
— აბა, რა არის შუაში?
— კა-მა-თე-ლი!
— ხო მოგიყვით ნელან? — ეჭვის მცი-
რე ჩრდილმა გადაურბინა სახეზე ნოდარს.
— გადასარევი ისტორია იყო. ახლა მი-
დი და გამოგიცვალე!
— კამათელი მეტი არა მაქვს და თუ გი-
ნდათ, ისტორიას გამოგიცვლით. ჰეჰ.
— ადამიანებს სახლში ერთ წყვილ კამა-
თელზე მეტი რომ არა აქვთ, მაგიტო ჰყავთ
მეზობლები.

- შენ რა გითხარია.
— მე კი არა, ბავშვს უთხარი, გამოართ-
ვას ვინმეს.
— ნიკა!
— ნუგზარასთან სახლში არ არიან, ვო-
ვას და ტასოს ნარდი არა აქვთ, თენგიზას
არ ველაპარაკებოთ! — მეზობელი ოთახი-
დან გამოსძახა ნიკამ. ყოჩაღი თაობა მო-
დიოდა — დასაქმებას ვერ დაასწრებდი —
უარიც მოფიქრებული ჰქონდა და უარის
არგუმენტიც.
— ე, გაიგონე? — საქმის მიფუჩეჩებას
მიმართა ნოდარმა.
— კარგს რას გაიგონებ მაგათგან... გა-
აგორე ერთი.

1 : 3

- არ ვიცი მე! შერიგდით! ჩემი გული-
სთვის შურიგდი თენგიზას!
— შურიგდი კაია. იცი, რამდენი ხანია,
არ ველაპარაკებ? ეუჰ!
— მით უმეტეს. ახლა ზუსტად ის დრო
ყოფილა, ორივეს რომ უნდა შერიგება და
მეორისგან ელოდებდა პირველ ნაბიჯს. ადე-
ქი და გადადგი!
— ნაბიჯი კი არა, ჩხუბი არ ამატეხინო
ამ უდროდ როს — ოქროსავით ხალხი მყ-
ავს სტუმრად.
— მოიცა, ახლა კამათელზე რომ მიხვი-
დე, ჩხუბი ატყდება?
— მაგაზე ატყდება ზუსტად.
— და რაზე იჩხუბეთ ეგეთზე?
— დამეფრა, კაცო, მაცალეთ... მოვალ...
— ეჰ, მიდი, მიდი.
— რაზე ვიჩხუბეთო?
— დამენვაო.
— მაგ თენგიზას მოუქლიბა ვითომ?
— შეიძლება.
— და ერთი შაში თუ შეიძლება ახლა?!
— გაგორების შემდეგ წამით გაშეშდა ვახო,
— არ შეიძლება! შენ კიდევ ამბობ, ალბა-
თობაო!
— ბეში, ზარო, — მიმართა ზარს ბიზნ-
ესმენმა კოტემ.
— დუ, — უთხრა ისევ კოტემ.
— იაქი, — ესეც კოტე იყო.
— შაში! — თქვა ვახომ.
— ჩარი, — მოითხოვა კოტემ.
— სე, — კოტე გახლდათ.
— დუ, — ეს ბრძანებაც კოტემ გასცა.
— შაში, შაში, ერთი შაში! — შეივდრა
ვახომ და დასძინა, — ფუ შენი!..

1 : 4

- რა ვქნათ, ვახტანგ? — იკითხა კო-
ტემ.
— რა ვქნათ, ნოდარ? — იკითხა ვახომ.
— რა იყო, მოგწყინდათ თამაში? — იკ-
ითხა ნოდარმა.
— ეს კამათელი რას მოგანყენს.
— რა ვქნა, ხო ხედავ, არავის აქვს.
— მე ვიცი ერთი.
— ვინ?
— ქვევით, ქუჩის გადაღმა რო რაღაც
მაღაზიებია, იქ მუშაობს გამყიდველად.
— ვაახ, რა კაცი ხარ... ნიკა!
— კამათლისთვის ჩავიდე ახლა?!
— მოდი, შვილო, სხვა რამეებიც უნდა
დაგაბარო!
— ჩვენ რა ვქნათ?
— რა უნდა ვქნათ? ვერ უყურებ, რა სხ-
არტი ყავს? მიდი.

1 : 5

- რა არის უსამართლობა?
— შაში რომ არ გორდება, ის!
— რატოა უსამართლობა?
— რას ქვია, რატო... შაში არ გორდება,
გესმის?! გესმის, რა ხდება?!
— მესმის. შაში არ გორდება.
— მერე?
— არ გორდება და ნუ გორდება.
— ჰო, მაგრამ ხო უნდა გორდებოდეს?!
— რატომ უნდა გორდებოდეს, თუ არ
გორდება?
— რას ქვია! როგორ შეიძლება, შაში არ
გორდებოდეს?!
— კაი, არ შეიძლება — ნუ შეიძლება.
— მოდი, მოდი, სადა ხარ, შე კაი კაცო,
შენა, დამანყდა ნერვები. ნოდარ! ბავშვი
მოვიდა!
— ყველაფერი მოიტანე, შვილო?
— მარტო ის, რაც დამაბარე.
— ეს მწვანელი, ეს მარილი, ეს ჰ-ჰ... ყო-
ჩაღ, კაი, შედი.
— სად უნდა შევიდეს, კაცო?!
— ნიკუშა, კამათელი, მამა?
— უი, დამავინყდა.
— დაავინყდა, ვახო.
— ა?
— ჰო, დაავინყდა ბავშვს, რა მოხდა...
— არაფერიც არ მოხდა. რა მოხდა. ად-
ამიანებს ხანდახან რაღაცები ავინყდებ-
ათ... მაგრამ — მაინცდამაინც კამათელი?!
დავინყებოდა მარილი! არ ვარგა ჯანმრთ-
ელობისთვის!..
— რა ვქნათ, ვახტანგ? — იკითხა კოტ-
ემ.
— გააგორე, კაცო, ერთი! ვინ ყოფი-
ლან...

დასასრული

ასე, ერთით თვრამეტი იქნებოდა, კამა-
თელზე მესამედ ჩავზავნილმა ნიკამ კამა-
თელი რომ ამოიტანა.
ახალთახალი იყო, ბზინავდა, პრიალე-
ბა, კრიალედა და, რა ვიცი, რას აღარ შვ-
რებოდა. მოქლიბული ხომ არაფერი ჰქონ-
და და არა.
მაგრამ რად გინდა — ამ დროს სუფრა-
ზე ცხელი — გაგრილებას, ცივი კი გათბო-
ბას იწყებდა.
— კაი, კაცო, რა ლოდინი. მშვენივრად
გავერთეთ! — მგონი, ირონიულობდა კო-
ტე. ვახო პირის გაღებისგან, უბრალოდ,
თავს იკავებდა.
— რა ქენი, მოუგე? — ვახოს თავმეკავე-
ბა არ დაინდო ნოდარმა.
— როგორ მოუგებდი — შაში არ გორ-
დება!
— აბა, ამან როგორ მოვიგო?
— ხო გითხარი — შაში არ გორდება!
კარგია, რომ სუფრამ თავისი გაიტანა
და ნარდის ანგარიშიც დავინყებას მიეცა.
თუმცა ბოლოსკენ — პერსონალურე-
ბის ჯერი რომ დადგა, მგონი, მაინც გაახ-
სენდათ.
— გაგიმარჯოს, ჩემო კოტე! კარგი კა-
ცი ხარ, მეგობრის მოყვარული და არდამ-
ვინყებელი, გულუხვი! ეს დღევანდელი გე-
მრიელი სიყვარულიც შენი ნაჩუქარია! —
ეტყობა, ნოდარი ემხრობოდა მოსაზრებას,
რომ პერსონალური სადღეგრძელო იმ და-
მსახურებების ხაზგასასმელად მოუგონი-
ათ, რომლებიც ხაზგაუსმელადაც ყველამ
იცის.
— ამის მასტერი შენა ხარ. ოქროს ხელი
გაქვს! — ზაზი დაუბრუნა ბიზნესმენმა.
— შენ არ მოგეტანა, ჩემ ფეხებს გაა-
კეთებდა ეს ოქროს ხელები! — ზედმეტად

ოფიციალური ხაზები ეხამუშა მასპინძელს.

— არის საშუალება! — მომტანის ხელე-ბი ასწია კოტემ.

— ჰოდა, შენა ხარ იმის ნიმუში, რომ შე-იძლება ცხოვრებაში კარგ კაცსაც ჰქონდ-ეს საშუალება! კარგ კაცსაც გაუმართლ-ოს! შენკენ არის ბედიც, ილბალიც, განგებ-აც, და ამას შენ მთლიანად იმსახურებ!

— გენაცვალე, ნოდარ! — ვახოს შეძა-ხილის ინტონაციამ მის გულში იდიომურ-ად მჯდომი მასპინძლის ლანდი გამოამყ-დავანა, — ილბალი! ილბალი! ილბალინი კა-ცი ხარ, ჩემო კოტე, და ილბალი ნუ მოგიმ-ალოს ლმერთმა!

— რას გადაეკიდეთ ამ ილბალს? კი არ ვემდური, მაგრამ ჰა! — ნაუხითხითა კო-ტემ.

— ჩვენ კი არ გადავეკიდეთ, ილბალი გადაგეკიდა შენ! აი, უყურე: ჩვენი სამო-დან მარტო შენ დგახარ მყარად ფეხზე!.. მე გადავეყვი ამ ბავშვებს — ვაგებინებდე მაინც რამეს... ავერ, ნოდარი შეაბერდა იმ სასადილოს. ისევე ხვალინდელი დღის იმედ-ზეა... მეტი რა ვთქვა — ილბალი შენი გუ-ლისთვის ალბათობის თეორიის პრინციპე-ბს ამსხვრევს!

აჰა, მართლა გახსენებიათ. ნარდზე ვამ-ბობ.

ოლონდ ეტყობა, ვახოს მიერ ნაგული-სხმევი ეპიზოდი — ისევე, როგორც ნოვე-ლის უდიდესი ნაწილი — ნოდარის სამზა-რეულში ფუსფუსისას ვითარდებოდა:

— რა ალბათობა, ეგ რალა მოიგონე?

— რას ქვია, მოვიგონე?! გენახა — ნე-დან თავის ნებაზე ათამამა მთელი ამხელა თეორია! ნათელმხილველ! ჯადოქარ! ასტ-როლოგ!

— მითხარი, ერთი, ამის თანავარსკვ-ლავედში რამე მოზრდილი ეტლი ხო არ შე-ვიდა? — გადაუქირქილა ახალბედა ასტრ-ოლოგს ნოდარმა. თუმცა სკაბრუზის გადა-თამამების მისეულ მცდელობას კომეტის ბედი ეწია.

— მაცალე! თანავარსკვლავედი არ ვი-ცი, მაგრამ... იცი, რას შერებოდა?... იქ, ნა-რდში... რაც თქვა, გაავარა! ერთი არ ააც-დინა! მე კიდევ — აი! ხვიშტი! რაც ვთქვი, ერთხელ ვერ გაავარე, ერთხელ! ეგრე არ იყო? — უკვე ეჭვი ჩნდება, რომ თამამის პერიპეტეები წამითაც არ დავიწყებია ვახ-ოს.

— მართლა?

— თვითონ თქვას! რასაც ამბობდი, არ აგორებდი?

— ნუ, დაახლოებით. თუმცა უფრო ზუ-სტი იქნებოდა, გვეთქვა: იმას ვამბობდი, რასაც ვაგორებდი.

— მოიცა, კაცო, ნუ აურიე... რო გაა-გორებდი და მერე ამბობდი კი არა... მე გე-უბნები, ჯერ რო ამბობდი — ჩარი-დუ... თუ რაც იყო, და მერე ზუსტად იმას რო აგო-რებდი!

— ჰო, მაგრამ იმას ვამბობდი, რასაც მერე გავაგორებდი.

— რანაირად? რასაც ამბობდი, იმას აგ-ორებდი!

— გიხსნი: იმიტომ კი არ ვაგორებდი ჩარს, ან დუს, რომ მანამდე ჩარი ან დუ მქ-ონდა ნათქვამი... იმიტომ ვამბობდი ჩარს ან დუს, რომ მერე ჩარი ან დუ უნდა გაგო-რებულიყო!..

— ეუჰ! გრამატიკის გაკვეთილს ნუ ჩა-მატარებინებ ახლა! ზმნის დროებთან მიმა-რთებაში სერიოზული პრობლემა გაქვს! მაგრამ დღეს არ მცალია — შემოდგომაზე შემოიარე!

— კარგი, შემოვივლი, — ღვინის ამბავი თუ იყო, თორემ ან ამდენი ხნით როდის გაჯიუტებულა კოტე.

— ჰოდა, შენს ილბალს გაუმარჯოს! იმ ილბალს ვენაცვალე, რომელიც შენნაირ ჯიგრიან კაცს... მიუხედავად იმისა, რო დროები და ზმნები ცოტათი გერევა... გვ-ერდში უდგას და თავს არ ანებებს!

— გაუმარჯოს!

მოკლედ, ტყუილად შევშფოთდით: სუ-ფრის მდინარეა სიყვარულის კალაპოტ-ში ჩაბრუნდა და ზუსტად ისეთი ხვევნა-კო-ცნითაც დამთავრდა, კარგად გამომთვრ-ალ ექსთანაკლასიკებს რომ ეკადრებოდა-თ. ალბათ მეორე დღეს ნაბახუსევსაც და-ამარცხებდნენ, და საერთოდ, ჩვეულებრი-ვად გააგრძელებდნენ ცხოვრებას: ვახო — ვახოსებურად და კოტე — კოტესებუ-რად. ნოდარიც — ალბათ, ნოდარისებუ-რად — იმას რალა შეცვლიდა.

რალა დროს ამათი შეცვლა იყო.

### როცა პასიკო ილვიძას

1.

ვასიკოს სძინავს და ძილში ბორგავს. ან რა იქნება — ბორგავზე ვამბობ — თუკი ამ დროს სიზმრის ვასიკოს მგელი მო-სდევს. თან უკვე ისიც საკითხავია, ერთი თუ — რამდენიმე. სიზმრის ვასიკოს ხომ, ეს-ესაა გაახსენდა ვასიკოს მიერ სადღაც ამოკითხული — მაგათ ერთად იციან ნადი-რობაო. სიზმარში რამის დაშვებას კი ხშირ-ად ის რამე მოჰყვება ხოლმე.

უმეტესობას ალბათ შეგინიშნავთ სიზმ-რის ეს თვისება. უმცირესობას კი შეგიძლი-ათ, ამაღამ ცოტა მეტი ყურადღებით იძ-ინოთ და ჩემი ნათქვამი შეამოწმოთ. თუმცა მანამდე — თავის დასაზღვევად — დავა-ზუსტებ, რომ ლაპარაკი ლოგიკის მეტ-ნა-კლებად მაღიარებულ, ანუ ჯერ კიდევ ჯან-სალი ორგანიზმებისთვის დამახასიათებელ ზმანებზეა, და არა ძილ-ღვიძილში გამო-მკრთალ იმ ჩვენებათა დომხალზე, რომლი-ს საპროექციო აპარატის უკან ცხოვრებ-ისგან ნატანჯი ან გენეტიკითვე არაკეთი-ლსაიმედო ფსიქიკა იგულისხმება.

მოკლედ, უკვე ორი მგელი რომ მოსდე-ვს, ეს სიზმრის ვასიკოსთვის არ ვარგა, თორემ სიზმრის ხარისხზე და ვასიკოს ფსიქიკაზე მხოლოდ კარგის მანიშნებელ-ია.

სხვათა შორის, ვასიკოს დამსახურებაა ისიც, სიზმრის ორი კონტროლის მექა-ნიზმი მგლების გამრავლების ტენდენციას კრიჭამი რომ უდგება და დასაწყისშივე ამუხრუჭებს. შედეგად, სიზმრის ვასიკოს, მართალია, უკვე ორი მგელი მოსდევს, მაგ-რამ — მეტი არა.

„ცოლ-ქმარია“, — ასკვნის სიზმრის ვა-სიკო, რომელიც მშვიდ ვითარებაში ალბათ უფრო აკადემიურად გაიფიქრებდა — ოჯ-ახის დომინანტი ძუ და ხვადიაო.

თუმცა ვასიკოს, ზოგადად, არ მოს-ნონს, ლიტერატურული პერსონაჟები დახ-ვეწილი ფრაზებით რომ ფიქრობენ. სულაც მიაჩნია, რომ ადამიანი ხშირად — მაგალ-ითად, მაშინ, როცა მგელს გაურბის — შეგ-რძნებების სახით ფიქრობს. ანუ ვასიკოს თეორიის მიხედვით, სიზმრის ვასიკო ახლა გრძნობს, ცოლ-ქმარი მგელი ან მგლების დომინანტური წყვილი რომ მოსდევს.

ჰო, განწყობა იქით იყოს, დრო სად არის დახვეწილი ნათქვამი ფიქრებისა? განა რამდენ ხანს შეიძლება, მგლები მოგდევდ-ნენ? გვულისხმობ — როდემდე გაექცევი მგლებს? მით უმეტეს, რომ სიზმარს ანუ დევნას დანყებულზე შემოვესწარით.

სხვათა შორის, ეს იმასაც არ გამორი-ცხავს, რომ აუცილებელი მოგერიების ამ-აო ცდები გამოვტოვებ. ანუ შეიძლება, სი-ზმრის გმირმა როდისმე რალაც იმაზე უფ-რო ღირსეულიც წაიფაფხურა, ვიდრე გაქ-ცევაა, მაგრამ — როგორც ასეთი სიუჟეტ-ების უმეტესობას სჩვევია — ხანჯალი ბო-ლო მომენტში ბადრიჯანი გამოდგა, ნაშმი-ვლებ რეკოლვერს კი ჩიჩხავით ჩამოეკი-და მომხდურისკენ მიღწეული ლულა.

თუმცა მთლად დათვისბიძაშვილიანი ანეკდოტის მოტივებსაც არ უნდა ეფუძნე-ბოდეს ეს ამბავი, რაკი უცვლად ჩვენი დევნი-ლის ნინ კაი მოზრდილი ჭადარი აიყლარ-ნება და სიზმრის ვასიკოც — რა გასაკვირი-ია, რომ — ფაცხაფუცხით მიფოფხავს მას-ზე. ერთი მგელთაგანი კი მაინც მოასწრე-ბს, რომ ბიჭისკენ ახტეს, მაგრამ დახტომი-სას დევნილის ცალ ფეხსაცმელსა ჩაიყ-ოლებს უკან.

ფეხსაცმელი საკმაოდ ახალი და ძვირი ჩანს. თუმცა თემამი ჩაღრმავება — მაგა-ლითად, კონკრეტული ზარალის დადგენა არ ღირს: ჯერ ერთი, ვალუტის კურსი, კარ-გი ლიტერატურისგან განსხვავებით, დროს ვერ უძლებს და საფიქრებელია, რომ ნლების შემდეგ ამან (ახლა ზარალის დაკო-ნკრეტებამ) აზრი დაკარგოს. მეორეც, ნა-რთმეული ფეხსაცმელი თვითონ ყოფილ პატრონს ჰკიდია ფეხზე (ჰეჰ, მიყვარს კა-ლაიმბური). ყოველ შემთხვევაში, ეს-ესაა დაკარგულზე მეტად ეს-ესაა შენარჩუნებ-ული ეძვირფასება.

ადვილია მისი გაგება — ის ხომ გადარ-ჩა.

ყოველ შემთხვევაში, ასე ფიქრობს (გრძ-ნობს) თვითონ — იმის არმცოდნე, რომ სი-ზმარშია — სადაც როგორც ხანჯალს არ-ად უღირს გაბადრიჯნება, ისე ჭადარს — კაფანდარა ბიჭის სიმძიმისგან ატორტმან-დეს და მერე მინაზეც მოადინოს ზღართა-ნი.

თუმცა იმას კი გუმანობს, სამარადის-ოდ რომ ვერ დავზრდება ნერწყვამდინა-რი მგლების თავზემთ გადანოლილ ტო-ტს. ამიტომ — ალბათ გადარჩენის ფაქტ-ის გასამყარებლად — არც მეტი, არც ნაკ-ლები, მომხდურთა ქცევის ლოგიკაში შეა-ქვს ეჭვი. ოლონდ არა უარგუმენტოდ — რაკი არ იცის, რომ სიზმარშია, საქმეს ზედ-მეტი პასუხისმგებლობით ეკიდება და სურ-ვილზე უფრო მყარ საფუძველს — ისევე ვა-სიკოს მიერ სადღაც ამოკითხულს ეყრდნ-ობა:

— თქვენ იცით, რომ მგელი ადამიანს არ ჭამს?

და აჰა — მომინვეს ვალიარო, რომ უკვე მცირედ მაინც მესმის ვასიკოსგან გაკიცხ-ული მწერლებისა, რომლებიც ადამიანის ფიქრებს, თუნდაც სრული ექსტრიმისას, ლამაზ ფრაზებზე აკინძული სიტყვებით გადმოსცემენ. რატომ და იმიტომ, რომ აი, ახლა სიზმრის ვასიკოსგან გამოტყორცნი-ლი საინფორმაციო ნაკადი, რომელშიც გამართული და მკაფიო წინადადებების გამორჩევა დიხავს შეუძლებელია, მოთხ-რობის, ცხადის, ადამიანის ენაზე სწორედ ასე და არა სხვანაირად ითარგმნება:

„თქვენ იცით, რომ მგელი ადამიანს თა-ვს არ ესხმის? პირიქით, მას, როგორც თი-ტქმის ყველა განვითარებულ და მოუშინ-აურებულ ცხოველს, ეშინია ადამიანისა... ნუ, თუ შეურაცხყოფად მიიღეთ, მაშინ ასე ვთქვათ, რომ — მგელი ადამიანს ერიდება და მასთან კონტაქტს არათუ ნებით არ და-ამყარებს, ყველანაირად შეეცდება, თა-ვიდან აიცილოს ის...“

სიზმრის ვასიკოსთვის ბევრად აჯობებ-და, აქვე მომთავრებინა ლექცია, მაგრამ, პოზიციის გამაგრების წყურვილს მეორე — სამართლიანობის მოთხოვნილება სჯ-ობნის თუ რა არის, მოულოდნელად ისიც ახსენდება, ადამიანზე მგლების თავდაუსხ-მელობის პაქტი გამონაკლისს რომ ითვალ-ისწინებს:

„თუმცა არსებობენ იშვიათი კაციჭამია ინდივიდები. ისინი განსაკუთრებულმა ბე-დისწერამ აიძულა, ადამიანს შეზომდნენ და მისი ხორციც გაესინჯათ. შემდეგ კი ის თავიანთ რაციონში შეიტანეს...“

ალბათ არ გაგიკვირდებათ, ამის მერე სიზმრის ვასიკოს გული რეჩხს თუ იზამს, ხოლო მგლების თვლებში ავი სიხარულის ნაპერწკალი გაკრთება — ნადირს არჩევა-ნი გაუჩნდა; ასეთი შანსი კი, უკვე იცით, ამ ხასიათის სიზმრებში რასაც ნიშნავს.

ერთი დაბრკოლების — მგლებსა და სი-ზმრის ვასიკოს შორის დისტანციის დაძლ-ევება დარჩა — რაც, არა მგონია, ახალი დაშვებით ნაქებულ სიზმარს გაუჭირდ-ეს.

იმას ველარავინ გაარკვევს, ჭადარს უე-ცრად ფესვთა სისტემა აღმოაჩნდა საოც-რად სუსტი, თუ საყრდენი მინა გამოადგა საკვირველად ფხვიერი. ნებისმიერ შემთხ-ვევაში ხე ნაქცევას იწყებს. ნაქცევა, ცხად-ის არ იყოს, არც სიზმარშია სასიამოვნო. ამიტომ ამ მოვლენას სიზმრის ვასიკო, ან უფრო მარტივად — ვასიკო, ტანში დაზრ-ენით აღნიშნავს.

სამწუხაროდ, დაზრენის ხარისხი ვერც ვასიკოს გასაღვიძებლად ვარგა და ვერც იმად — ნასაქცევად განწირული ჭადარი შეაკავოს.

ჰოდა, გდია ახლა ეს თქვენი სიზმრის ვასიკო მგლების ცხვირნინ და უიმედოდ ცდილობს, წამოხტეს და ძველებურად მო-კურცხლოს.

არსებობს მოსაზრება, რომ საკუთარ სიზმარში გაჭირვებანაჩვენები და ამიტომ გაქცევის ჩვენების მოსურნე ადამიანი თუ ვერ გარბის, ამ დროს მოკუნტულს ან ფეხ-ებშეკეცილს სძინავს. ანუ არ არის გამორი-ცხული, სიზმრის ვასიკო ამ დღეში ვასიკ-ოს დაუდევრობას ჩაეგდოს.

თუმცა ახლა სულ რომ პირველის ბო-ლო ნამებს ვადევნებდეთ თვალს, მეორის სასტიკად გაკიცხვა მაინც უსამართლო იქნებოდა — ყოველ შემთხვევაში, იმის-თვის, ლოგინში ფეხები უშნოდ რომ შეუკე-ცავს.

ჯერ ერთი, ვასიკო თავის მძინარე სხეუ-ლს თავის სიზმარზე უკეთესად ვერ აკონტ-როლებს; და მეორეც, ვასიკო სიზმრის ვას-იკოზე ნაკლებად არ განიცდის იმას, რაც სიზმარში ხდება. კაცმა რომ თქვას, პირი-ქითაც კია: ახლა ლოგინში ვასიკოს სხეუ-ლი მოკუნტულა, თორემ მისი მთელი ემო-ცია სიზმარშია და, შეიძლება ითქვას, მისი სულიც იქვე... ეჰ, რა კარგი იქნებოდა, გე-ეთქვა, დანავარდობსო, მაგრამ რა ვუყოთ,

რომ სინამდვილეში — იქვე, მგლების ფეხე-ბთან გდია.

ანუ ისეთი ვითარებაა, ცხადი რომ იყ-ოს, ვიტყვით, ახლა ვასიკოს სასწაული თუ იხსნისო, მაგრამ მსგავსს არაფერს ვამ-ბობთ სიზმრის ვასიკოზე — რაკი, როგო-რც უნდა ვძაბოთ სიტუაცია, სინამდვილე-ში ძალიანაც კარგად გვახსოვს, რომ და-თვისბიძაშვილიანი ანეკდოტის მსგავსი სიზმრები, პრინციპში, არც არსებობს. ყო-ველ შემთხვევაში, სიზმრის გმირი არასდროს კვდება. მესიზმრეთა მიერ „ვითომ მოვ-კვდი და“-ს მერე მოთხრობილი დატირებ-ის ამბები არ ითვლება, რაკი ეს „და“ უკვე საექვსო ხდის სიკვდილს. თუ ხედავ, რო-გორ დაგტირიან და ასე შემდეგ, ესე იგი, მთლად არც მომკვდარხარ. სიკვდილის მერე ასე არ ხდება.

ჰო, კარგი, ზუსტად მეც კი არ ვიცი, რა და როგორ ხდება სიკვდილის შემდეგ. სა-მაგიეროდ, ზუსტად ვიცი, რაც ახლა ვასი-კოს სიზმარში ხდება და რასაც უეჭველად სასწაულს ვუნოდებდით, ცხადში რომ ხდე-ბოდეს:

— ადექი, ვასიკო, — ხმადაბლა და ლა-მის სათუთად ამბობს ერთი მგელთაგანი.

სიზმრის ვასიკოს ეს ამბავი უეცრად, მა-გრამ არც იმდენად, რომ გახარება დაავი-წყდეს. შესაბამისად, სიზმრის ვასიკოს უხ-არია, მაგრამ არც იმდენად, რალაც მსგავსი სასწაულის მოლოდინის გარეშე რომ გაუხარდებოდა.

მგელი — ალბათ ამიტომ — მიღებულ ეფექტით არ კმაყოფილდება და — ალბათ ამიტომ — სიზმრის ვასიკოს ცოტა უფრო ხმადაბლა და გრძლად მოუწოდებს:

— ვასიკო. ადექი, გაგვიანდება.

ვასიკო თვალს გაახელს, შეკეცილ ფეხებს გაშლის და მამას გაუღიმებს:

— მგელი ხარ, მა.

მამა თაობებს შორის ხიდწატიხილობა-სთან შეგუებულ ღიმილს შეაგებებს თუ არა, დამერწმუნეთ, ამას სიუჟეტის მომავლი-სთვის არანაირი მნიშვნელობა არა აქვს, ისევე, როგორც იმას, რეებს ჩაიდენს აბა-ზანაში ვასიკო, ვიდრე ისაუზმებს და სამსა-ხურში წავა.

2.

ხვალი ძუსთვის შეხედვას არ ჩქარობს — იცის, როგორი ეჭვიანი მზერა ელოდებ-ბა. რა იცის და, ვითონაც ასეთი მზერით აქვს თვალები გამოტენილი.

— გაქრა, — ამბობს ის.

— შენ, რა, მეტყველებ? — ეჭვიანი მზე-რით არ კმაყოფილდება ძუ.

— სად წავიდა... — ხვალი მიდამოს ინ-ტერესით ათვალიერებს, ოლონდ ისე, რომ ძუს მზერა არ გადაკვეთს.

— აჰაა, ანუ ალაპარაკი და, სამაგიე-როდ, დაყრუვდი? — გაკაპახება ეწყება ძუს.

— ჯერ ერ... კხმ... ჯერ ერთი, კაციჭა-მია მგლისთვის უფრო მნიშვნელოვანია კოტენციური ნადავლი, რომელიც ეს-ესაა ცხვირნინ გაუწიწინარდა, და მეორეც, მგო-ნი, შენც მეტყველებ და ამის გამო ტვინს არავინ გიბურღავს! — დაბნევას ამთავრ-ებს თუ არა, ეგრევე გამკაცრებას იწყებს ხვალი.

— განა იმას გეუბნები... — მყისიერად ლბება ძუ, — ლაპარაკი თუ შეგეძლო, დე-ვნისას შემოგეძახა — აქედან მოუარე, იქ-იდან მოუარე... არიქა მაინც დაგეყვირა, ბოლოს და ბოლოს.

— მე რა ვიცოდი, რო შემეძლო. მოულ-ოდნელად თითქოს ვილაცამ დაილაპარა-კა ჩემში. მერე ის ვილაცა გაქრა და დამტო-ვა მე ასე, ჩართული... შენ? — როგორც იქნა, მიხედავს ხვალი.

— მე შენ მოგბაძე, ჩემდაუნებურად. როგორც ყოველთვის.

— ფუჰ, რა შეყოლიება სცოდნია ლა-პარაკს! ამის დროა ახლა?! — ამასობაში ბრაზდება ხვალი.

— მართლა სად დაიკარგა ის ბიჭი? — როგორც იქნა, საქმეზე გადადის ძუც.

— ხო არ აორთქლდებოდა?! სსუ. ვყნო-სოთ და გავიგებთ. ნსუ, ნსუ. ადამიანის სუ-ნი არსაიდან გეცმს?

— ნსუ, ნსუ. ჯერ არა.

— შენ მაგ მხარეს იტრიალე, მე აქეთ დაეძებნი. შორს ვერ წავიდოდა.

— კარგი.

— ნსუ-ნსუ...

— ნსუ-ნსუ...





მიხო მოსულიშვილი

არ მოგიბრუნდეს არასდროს ენა და არასოდეს არ თქვა: „მიყვარხარ!“ რადგან ამ სიტყვას ყოველთვის, ყველგან, და უსასრულოდ — სხვაგან მიყავხარ!..

ბორჯომულა

რა კარგი ჰაერია, თუ გზა არ აგერია... თითოც ჩაურტყი და შენთვის ხეტილობ.

სევდად გაფენია ნისლის კამელია... სულშიც ბორჯომულა ჩქერ-ჩქერ რეტიანობს.

რა კარგი ჰაერია, თუ გზა არ აგერია... კაიცი მონიე და მარტო ხეტილობ.

აგაღვიძები ცხად და ცხად

აგედევნები ცხად და ცხად მუდამ სიზმრებში მავალს. სიზმრები არის სხვადასხვა, გავცქერ და ბოლო არ აქვს.

ცხადიდან სიზმრებს გავხედავ, — ესეც ზმანება არის... კუდს დაიყოლებს მახეთა სიზმრად მავალი ქალი.

მე ვერ მიგიხვდი ზრახვათა, ფიქრსაც დეზი ვკრა, მტარვალს... თუ ვინ მოგივალს ნახვად და, მოვალს და ჩემებრ წარვალს...

თორღვა კაბანი. მუცო. ქარაფაზი

მუცოს თავს თორღვის ცრემლი მკვდრის მზესავით რომ ჰყუდია, პატრონს თავისას მივლის, შუქად ტკივილი უნთია.

ეგ მზე რას შველის, მითხარი, შენი დარდების ქარაფებს, მაგათაც ჟამთა მკითხავი ნაილებს, გააარაფრებს.

მუცოს თავს თორღვის ცრემლი მკვდრის მზესავით რომ ჰყუდია...

აპასუხების სინდრომი

„რა საჭიროა, რომ შემობრალი? თუ ტირილია, — შენი თავი იტირე მხოლოდ“. რიუნოსკე აკუტაგავა

მინდა, არაფერი იწყებოდეს და არ მთავრდებოდეს არაფერი, სანამ შენს ცრემლებად ვიქცეოდე ზეცით დაწყველილი აპასუფერი.

ვიცი, ჩემამდეც რომ გიცხოვრია, თითქოს აღარავის აღარც ელი... ცოდვით ხომ — ზოგი თუ ცის სწორია, იმ ცის იქითაა აპასუფერი.

შენსკენ რაც კი გზა და სავალია, ჩემი ფეხითაა დანასერი. მოვალ, ჩემს თავზედაც დაბალი ვარ დარდად დარჩენილი აპასუფერი.

ვნატრობ, შენს ღიმილებს შევეფარო, ჩემიც რომ ვიპოვო საფარველი... ისევ შენთან მოვალ, ისევ ნავალ თავვ ზააბნეული აპასუფერი.

მინდა, არაფერი იწყებოდეს და არ მთავრდებოდეს არაფერი, სანამ შენს ცრემლებად ვიქცეოდე ზეცით დაწყველილი აპასუფერი.

სიჩუმის ვხედავ...

მოდის, ჰაუზა ანაცვალე უნიჭო ფაფხურს. ნუ დაიდარდებ სამუდამოდ დაკარგულ ზაფხულს...

დილარგატი...

ისევ და ისევ გელით, დილარგეთ, გამქრალ პოემით სარგის თმოგველის\*... თუკი ამჯერად მაინც ვივარგებთ, თუმცა ამაოდ ისევ მოგელით...

თუკი მისაგებს ყველას მივაგებთ, გაცხადდეს რათა სიბრძნე მოგვების... არ ვთქვათ, რომ თითქოს აღარ გვიმართლებს და არც სამყაროს კრუნჩხავს ბორგეები.

ვძლიოთ შურსა და ვუმტროთ სიხარბეს, რითაც სატანის მიზანს ვშორდებით. მტერიც კი, ყველა უნდა გვიყვარდეს, რომლისაც გინდა იყოს ორდენით...

ქუდი ჭერსა ვკრათ მერე დილამდე, მაინც სიკვდილი ყველას მოგველის. ვადიდოთ კვლავაც ქვეყნად სინათლე, მტერი ბნელის და უფლის მორბედი.

სხვარიგად რადგან ვერც ვინ იხარებს, ღმერთს არ სასოობს მარად რომელიც... ისევ და ისევ გელით, დილარგეთ, გამქრალ პოემით სარგის თმოგველის...

\*სარგის თმოგველი — XII-XIII საუკუნეების მიჯნაზე მოღვაწე ქართველი მწერალი, მეცნიერი, ფილოსოფოსი და რიტორი, ვარამ მხარგრძელის ძე. სარგის თმოგველს ეკუთვნის რომანტიკულ-სათავგადასავლო პოემა „დილარგეთიანი“ („დილარიანი“), რომელსაც ჩვენამდე არ მოუღწევია. მასვე მიეწერება XI საუკუნის სპარსული პოემის „ვის ო რამინის“ პროზაული ქართული თარგმანი „ვისრამიანი“.

მე ვარ ზამთარი...

„და ქარისშხალი ძვალთა შეთნილთა ზარით, ღრიალით, მინას მამაყრის!“ ნიკოლოზ ბარათაშვილი

მე ვარ ზამთარი, მე ვარ ზამთარი, — თეთრი აფთარი, დარდით ნათალი.

მიტოვებული მე ვარ საყდარი... შენი მძივი ვარ, ყელზე ამწყდარი.

ცრემლი ვარ, ცრემლი — შენს თვალს მომდგარი... შენი წყენა ვარ, მარცხი ყომრალი.

მე სიტყვები ვარ, მიზანს ამცდარი...

თოვლი ვარ, ყინვა — სუსხით რაც არი.

სანამ სიცივეს ტყვიად დამახლი, მერე დამფლავ და ნაბუქს დამაყრი...

ვიდრე გასარყულს შენგან გათვალვით, მიჭირისუფლებს ყორნის ღავლაღი...

როგორც კაპრალი, — კოჭლი, საპყარი და მაგ უძირო სულის ნაპრალი —

მე ვარ ზამთარი, მე ვარ ზამთარი...

ჭორის მოძრაპი ჭური

დაკარგულია ნდობა, გატეხილია გული და დაპირებულ ნობათს ისიც შორი-შორს უვლის. აღარ ვახსენებ მოსვლას, თუნდ მდევდეს ბედი, კრული. აღარ დამაცდის კოცნას ჭორის მოძრაპი ჭური. გულს ამოვატან ოხვრას, სად დამენია შური და მაინც, შენ თუ მოხვალ, აღარ ვიქნები ჭმუნვით.

სხვაგან მიყავხარ...

არ მოგიბრუნდეს არასდროს ენა და არასოდეს არ თქვა: „მიყვარხარ!“ რადგან ამ სიტყვას ყოველთვის, ყველგან, და უსასრულოდ — სხვაგან მიყავხარ!..

და სადაც მიხვალ, უნდა გახსოვდეს — იქ ევაა და სამოთხის სევდა... ჰოდა, იცოდე: ევას გარეშე არაფერი ხარ, რაც გინდა გეთქვა.

თუნდაც ვერ გეთქვა... ევას გარეშე, არც იქნებოდი არასდროს არვინ... ვერსად გაეცქე იმის ფარეშებს, სულ თან რომ გდევნე ბრკილით ქარვის...



ხედავ სიჩუმეს, მომავლისკენ დაეძებ წარსულს... და დავინწყება ამ ცრუ სოფლად არაფრის არ გსურს.

**ბარდაბარი ვართ ჟამისა...**

*„ერთი წელი და ათასი ბარდაბარია ჟამისა“.*  
ვაჟა-ფშაველა

ჟამ მუალის და წავალის ყველა ჩვენგანის კარზედა... მოვა, სიცოცხლეს წაიღებს, ჩამაირიგებს ჯარზედა.

სულელი ვართ თუ ბრძენია, ან ჭკუისა ვართ, თავისა, — ყველას იმის შუქ გვფენია, — ბარდაბარი ვართ ჟამისა.

მწვერვალებისკე ვიარდეთ, უფლის ნისლი რო ჰხვივისა... მე გზად პირიმზევ ვინატრებ, მეტყვის, — სიცოცხლე მიჰქრისა...

**მოსულა?**

**ავტოკაფია**

*„რაკი „მოსულამ“ თქვა, ესე იგი, მოსულა“.*  
ლელა გაბური

რაც „მოსულამ“ თქვა, მოსულა...  
რაც არ მოსულა, წასულა...  
კისერიმც მოუტეხავსა,  
შავი არი და ავსულა,  
მაგის ამყოლის ჭკუაცა  
გაპარულ-გადანავსულა.

**ENTRÉE!**

ჰორიზონტისკენ წვალევა მიგაქვს და თანაც წარსულს უბარებ — „ანტრე!..“  
აუხდენელი ნატვრების იგავს — უკითხავ სარკეს უხილავ მანტრებს...

ხმა სინათლეა, უხმოდ ბინდდება, სიბრწყვე მალვით მოჰყავთ სურვილთა...  
რა იქნებოდა, უჭკო მიდეგავ, შენც ყოფილიყავ ქოსატყუილა.

მოსდექ და ვარსკვლავთ ჟიკჟიკი თვალე-უსმინე შორით ბულბულს, იადონს...  
მკვლელის ბებუთი — ნამგალა მთვარე — პოეტთა ხათრით ყალბად კიაფობს.

ჰორიზონტისკენ წვალევა მიგაქვს და თანაც წარსულს უბარებ — „ანტრე!..“  
აუხდენელი ნატვრების იგავს — უხილავ სარკეს უკითხავ მანტრებს...

\* ანტრე — ფრანგულად entrée; ცირკში: კლოუნის ნომერი — კომედიური სცენა (ლაპარაკი ან პანტომიმა); ბალეტში: ერთი ან რამდენიმე შემსრულე-ბლის გამოსვლა ცეკვით.

**„მთვარის სონატის“ მთვარე**

შენ გადაგიშლი ფარჩად ამ მთვარულ სიცოცხლეს, კარგო. შენმა თვალემა დამწვა, სველი ტუჩების ჯადომ.

მხოლოდ შენთვის მაქვს გული. მე მთვარის გაღმა ვსახლობ. თავი ანებე ნუხილს, იყავი ჩემთან ახლოს.

მთვარის გამოღმა გხედავ, ეულად შთენილ ტივად... ეჰ, ჩემო ერთადერთავ, შენი დარდები მტკიავ.

შენ მოგინატრებ ახლაც და დამესავით დაგლევე... მოვალ და აღარ წავალ, „მთვარის სონატის“ მთვარევე.

**ქალაქი ცაში**

ბაქოს ქარვასლებს ჩაუნავარდებს კასპიის ქარი... მთაზე ქალაქი, ზღვაზე ქალაქი და მიწისქვეშაც ქალაქი არი.

შენი აივნით ქალი მიღიმის — მიელვებს თვალეებს...

ბარემ მომკალი, როგორც ხოცავდნენ ძველ ასასინებს, ჰაშიშით მოვრალეებს.

ბაქოს ქარვასლებს ჩაუნავარდებს კასპიის ქარი... მთაზე ქალაქი, ზღვაზე ქალაქი და ზეცაშიაც ქალაქი არი...

**ინანასაღმი**

ჩემო ცისქალო, მითხარი ჩქარა, სადა ხარ, სადა?

მე შენ გენუკვი, გულით გატარებ, მიყვარხარ სულით.

ვინა ხარ, რა ხარ? სიდან მოსულხარ, საით მიდიხარ?

შენ ლურჯი ცა ხარ, მიწყვი კამკამა, თანაც უღრუბლო.

მღელვარე ზღვა ხარ, ბობოქარი და თეთრქაფიანი.

თვითონ მიწა ხარ, ნოყიერი და მარადიული.

ჩემო ცისქალო, უნდა იჩქარო, დარდად მაჩნხარ.

ცეცხლებერ ანთიხარ, როგორ ანათებ, მუდამ ამანთებ.

თმა ხორბლისფერი გიბრწყინავს ისე, ვით მზის სხივები.

გთხოვ, მიგალობე, რომ მიხაროდეს შენი ხილვები.

მე გეაჯვები, ერთი ღარიბი, კაცი ყარიბი.

შენ ჩემში ჩანხარ, ათასი ხმა ხარ, მზისებერ ანათებ...

დაგაღალატებ? ო, არა, არა! მე გულით მწამხარ...

ჩემო ცისქალო, მითხარი ჩქარა, სადა ხარ, სადა?

**ნულარ მომავონებ**

ნულარ მომავონებ, როგორც იყო, ან რაც იქნება და რაც არი... თურმე, ყველაფერი ფერფლია და, სანამ გაქრებოდეს, ნაცარი.

ვარდებიც ამაოდ ნაცადია ტრფობის ხომალდების ვერფიდან... ირგვლივ ყველაფერი ნაცარი და, სანამ გაქრებოდეს, ფერფლია.

**დაკარგული ზღვის მონატრება**

და ზღვა, როგორც ქართა ქალი, ვით მედეა ქარდაქარი, ვით მრისხანე ქარიშხალი, ვერსად რომ ვერ გაასწარი, დიდ ზვირთებად მოვარდება, რაღაც უცხო მოლანდება, პითაგორას მონადებად, ანდა როგორც მონატრებად დაკარგული ღიმილის და დარდის...

გაიხსენებ ვიდრე იობს, დაინახავ ზეცის ღიობს, როგორც უფლის ფერად მინდორს, ძირს ჩამოსულს განრისხებულს,

აქანებულ-დაქანებულ ზღვაში...

თუმც წინაშე თვალთა კლიოს, ვისაც როგორ უნდა, მკილოს, ვიდრე ტალღა ქვიშით აღგვის, დავასწრებ და ჩემს დაწერილს მე თავადვე სამუდამოდ წაეშლი...

და შენ, შორეთს დაკარგული, როგორც მარჯვე კალამბური, ლურჯი ცრემლით დაქარგული, მიუნვდომლად ქარაგმული, როგორც ჟამი გარდასული, არასრული დასასრულით — მონატრებით დალამბული ჩანხარ, როგორც სასწაული, ღიმილ-ღიმილ, ნისლის თავშლით, მარდი...

და ზღვა, როგორც ქართა ქალი, ვით მედეა ქარდაქარი, ვით მრისხანე ქარიშხალი, ვერსად რომ ვერ გაასწარი, დიდ ზვირთებად მოვარდება, რაღაც უცხო მოლანდება, პითაგორას მონადებად, ანდა როგორც მონატრებად დაკარგული ღიმილის და დარდის...

**ქუჩის აკორდეონისტი ჰოლბაინსტეგზე\***

თან დამდევედა განშორების ელდა, არც არაფრის იყო ქვეყნად ფარდი... ციდან ელვა დარდებს მეხად ჭექდა... ნეტავ იმ დროს, როცა გვერდით მყავდი...

ახლა ველარც შენზე ფიქრებს ვებედავ... მდინარიდან მიხმობს ჩემი ღანდი, თან რომ გავყვე სამუდამოდ, ნეტავ, — გაიხსენებ, როგორ შორით მკლავდი?..

...ნადი, ნადი, დარდს უგანე, მდევარს, გახდი ქუჩის მუსიკოსი, ნალდი, აკორდეონს ათქმევი: „მე ვარ... ნატვრად დამრჩი, ვერასოდეს ახდი“...

„ლიბერტანგო“ გამვლელეში ღელავს და „ჩარდაშიც“ გულსაკლავებს აშლის... რომ აღმოჩნდეს, აის ქალი შენ ხარ, შორიდან რომ მაჯილდოებს ტაშით...

რას დავეძებ, ტაშია თუ სტვენა, სულში ისევ ის ცრემლები ჩამდის. მაინც დავრჩი სამუდამოდ შენად, ისევ მწამხარ — მიწიდან და ცამდის...

თან დამდევედა განშორების ელდა, არც არაფრის იყო ქვეყნად ფარდი... ციდან ელვა დარდებს მეხად ჭექდა... ნეტავ იმ დროს, როცა გვერდით მყავდი...

\* ჰოლბაინსტეგი – გერმანულად — Der Holbeinsteg — საფეხმავლო დაკიდებული ხიდი მაინის ფრანკფურტში მდინარე მაინზე.

**სანამ დასავალს მიმცემ...**

**მიქაელ მორეკილის სავედრებელი**

ფიქრი ქარებმა წაიღონ, ცრემლი აქ დარჩეს მიწას. თავად განსაზღვრე, სად იყოს მკრთალი ღიმილი იმწამს... წამოვალ, დარდებს გამოვდევე, დამწვარ სურვილთა კვამლად. სიცოცხლეს, ვალად ნაბოძებს, სულ გამომიბრი, ალბათ. გთხოვ, შემინყალო მოსული შენი აღსავლის კართან, თუნდაც ვნატრობდე, რომ სული მალე აღმომხდეს მართლა. მოვალ და გეტყვი, — უფალო, აღსავლის კართან მოველ. ვერც მე ვიცხოვრე უნაკლოდ, ბევრიც ვეცრუე სოფელს. აღარც რა დარდი მედრება, ველარც სად ვილტვი ცისკენ... გთხოვ, შემისმინო ვედრება სანამ დასავალს მიმცემ...

შენ ხომ ვერც ვერვინ ვედრება, გულიც ხომ შენგნით გვიცემს...

გთხოვ, შემისმინო ვედრება... გთხოვ, შემისმინო ვედრება... სანამ დასავალს მიმცემ...





მალწიძებამ გააღვიძა. დილის შვიდი საათი იყო.

ყოველთვის შვიდზე იღვიძებდა. ფეხზე წამოდგა, ოდნავ გაიზმორა და ფანჯარაში გაიხედა. მეშვიდე სართულიდან, როგორც ყოველთვის, მთანმინდის ლამაზი ხედი იშლებოდა. შემოდგომის დილა მზიანი და მშვიდი იყო, სუნთქვა კი უკვე ცოტა ჭირდა. აბაზანაში პირის დასაბანად რომ შევიდა, შეამჩნია, ონკანში წყალი ჩვეულებრივზე სუსტად მოჩხრიალებდა, თუმცა დასაბანად მაინც ეყო.

დღე, როგორც ყოველთვის, ყავითა და კრუსანით იწყებოდა — ოჯახის ასწლოვანი ტრადიცია. კრუსანი გუმინდელია, ცოტა შემხმარი — იცოდა, რომ ახალს დღეს ველარსად შეიძენდა და საგანგებოდ შემოინახა. თუმცა ამას არაუშავს, აი, ჩაიდანს კი ადუღება უნდა. გაზქურასთან ასანთი დიდი იმედის გარეშე მიიტანა და, მისდა გასაკვირად, აღმოაჩინა, რომ გაზი მილში ჯერ არ გამოლეულა. მაშინვე ნახევრამდე შეავსო წყლით რკინის ძველი, მამაპაპური, ჩაიდანის და ცისფრად ალაპლაპებულ დაბალ ცეცხლზე შედგა.

ჰო, ოჯახური ტრადიცია... კიდევ კარგი, მთელი ოჯახი — დიდიან-პატარიანა — უკვე გახიზნულია. სამაგიეროდ, ახლა მარტოა და მხოლოდ საკუთარ თავს ეკუთვნის.

თხუთმეტიოდე წუთში მოათავა საუზმე, ქურთუკი მოიცვა, კარი გაიხურა, სადარბაზოში გავიდა და ლიფტი გამოიძახა, მაგრამ აღარ გაუმართლა, ლიფტი უკვე ამართული დახვდა, ამიტომ დაბლა კიბით მოუწია ჩასვლა. ქუჩაში გასულმა ირგვლივ მიმოიხედა და ნელა გაუყვანა ნონას ბაღისკენ მიმავალ გზას. ჯერ კიდევ გუმინ მანქანებით სავსე ქუჩა ახლა თითქმის ცარიელი იყო, სამადლოდ თითო-ოროლა თუ გამოჩნდებოდა და უცებ მიეფარებოდა თვალს, აქა-იქ მხოლოდ კანტი-კუნტად მიმავალი გამვლელები ხვდებოდნენ გზაში. ეტყობოდათ, ძალიან ჩქაროდნენ და სისწრაფეში მხოლოდ ფეხქვეშ იყურებოდნენ — ყოველ შემთხვევაში, მისთვის ნატვრული ყურადღება არავის მიუქცევია, ერთი მყისიერი მზერაც კი არ გაუშეშებიათ... ოდნავ შეშურდა კიდევ მათი, ოღონდ წამიერად — შურის ნიავემა ელვასავით სწრაფად ჩაუქროლა და გაქრა.

აი, ნონას ბაღიც. ჯერ კიდევ გუმინ... არა, გუმინ ვეღარ, მაგრამ გუმინწინ ხომ მაინც მოასწრო აქეთ შემოსიერება და საპენსიო ასაკის მოპაექრე მოჭადრაკეთა რაზმისთვის — უკვე გვარიანად შეთხლეზულისთვის — თვალის გადავლება. თავად თითქმის აღარ თამაშობდა, დაბერებული ნერვები აქტიური თამაშის დაძაბულობას ვეღარ უძლებდნენ, მაგრამ სხვების საცქერლად — მაგალითად, ისეთებისა, როგორც მისი ძველისძველი ნაცნობი და პარტნიორი ბონდო სხირტლაძეა — ჯერ კიდევ ჰყოფნიდა სურვილიც და ჯანიც. ისე, ველარც მასზე ათიოდე წლით უმცროსი ბონდო, რომელიც ოდესღაც ძლიერი ოსტატი და ლამაზი კომპიანიციების ავტორი იყო და დღესაც უჩქქეს და უჩუჩუხებს საჭადრაკო სისხლი ძარღვში, ველარ უძლებს დაძაბულობას მსუბუქ პარტიებშიც კი, ხშირად მარცხდება თავისზე სუსტ მოთამაშებთან... აი, გუმინწინაც ასე მოხდა. ბონდომ მეტოქეს უკეთეს პოზიციაში ეტლი დაუსვა, სვლის უკან დაბრუნება აღარ იკადრა, მიიმედა და ხეწემა-ხეწებით წამოდგა, რიგში მომლოდინეს დაუთმო სკამი და შემდეგ ერთად გაემურნენ თითო ჭიქა თურქული ყავის შესარგებად იქვე ბაღში მდებარე და თავისი შესანიშნავი ყავით განთქმულ სანსკრიტულ ყავახანაში, მაგრამ აღმოჩნდა, რომ ეს ყავახანაც უკვე დახურულა და ჩაბარება პატრონს, და მამიას არც თუ საუკეთესო ყავით უწიათ დაკმაყოფილება.

იმდენი ხანი კი უცხოვრია დღემდე, რომ ბევრი რამ ახსოვს. სულ ადრე, იმ დავიწყებულ ჟამს, როცა მისი დიდი ბაბუა ამ ბაღში სასიეროდ დაატარებდა, აქაურობას, თურმე, ვინმე კიროვის სახელი რქმევია... კიროვის ბაღი... ვისღა ახსოვს დღეს, თუ ვინ იყო და რას წარმოადგენდა ის ვიღაც კიროვი? იყო, ალბათ ვიღაც რუსი მწერალი, მეცნიერი ან, სულაც, გამოგონებელი... ამ ბაღში, რაც თავი ახსოვს, მოყვარულები ჭადრაკს ყოველთვის თამაშობდნენ, მისი დიდი ბაბუას დროს მომრგვალებულ ზურგიან გრძელ სკამებზე მტრედებივით შემომხდარი მისნაირი პენსიონერები ერკინებოდნენ ერთმანეთს. მერვე კლას-



## გიორგი ლორთქიფანიძე ბოლო

ში რომ სწავლობდა, მის ცხოვრებაში ორი აღსანიშნავი ამბავი მოხდა: ფიზიკის საქალაქო-სასკოლო ოლიმპიადამ გაიმარჯვა და კიროვის ბაღში ჭადრაკის შესანიშნავი სასახლის გახსნის მომენტს გახდა, ქართული ჭადრაკის ნამდვილი მექა... ხოლო მოგვიანებით, მისი სტუდენტობისა და მონიფულობის ხანაში, როდესაც ქვეყნის გეზმა მიმართულება იცვალა — ეგ დროც კი ახსოვს — ბალსაც სახელი შეეცვალა და ერთბაშად ვერეს ბაღად გარდაიქმნა. კარგა ხანი ასე ეწოდებოდა, მერე კი, ერთ მშვენიერ დღეს, ეს სახელიც ჩამოსცილდა და ნონას ბაღი გახდა. ნონა ვინც იყო, ეგ საქართველოში ყველამ იცოდა — მსოფლიოს სახელოვანი ჩემპიონი ქალთა შორის... და შერჩა და შერჩა ეს სახელი სამარადუნად.

დღეს კი ფეხებმა ავტომატურად მიყვანეს ჭადრაკის სასახლესთან და, თუმცა ხვდებოდა, რომ შენობა ცარიელია და შიგნით არავინაა, მაინც ეცადა შესვლას. მაგრამ შუშის კარი დაკეტილი დახვდა და ირგვლივაც ჩამი-ჩუმად არ ისმოდა. სხვა რა გზა იყო, შეტრიალდა და... უცებ დაღანდა ბონდო, რომელიც თურმე მთელი ეს წუთები კვალში მიყვებოდა.

— რა იყო, მითვალთვალებდი თუ ჭადრაკი მოგენატრა? — ხუმრობით ჰკითხა მან.

— ერთიც და მეორეც. რაო, დაკეტეს? — ხო, არავინ ჩანს... რას შეგები, როგორ ხარ? უკვე ნასული მეგონე.

— ორ საათზე გვაქვს ჯგუფის შეკრება ზემელზე, აი, „ხიხილის სახლი“ რომ იყო, იმის პირდაპირ, ყოფილ აკადემიასთან. ავტობუსებსაც იქ მიყავნებენ... ჯერ თერთმეტიც კი არაა და ცოტას ვავისიერებ-მეთქი. შენსავით.

— და საითაა თქვენი გზა? — ჯერ აეროპორტში, მერე კი ბილეთის მიხედვით — კალიფორნიაში.

— იუპიტერისკენ? მამ საქართველო ისევ დაინაგრა? ჩვენს ისტორიაში ყოველთვის ასე იყო: ვისთვის მურვან-ყრუ, ვისთვის ნაპოლეონი, ვისთვის ატლანტიკა, ვისთვის შავი ზღვა, ვისთვის ვეროპა, ვისთვის შუამდინარეთი, ვისთვის მარსის ბაღები, ვისთვის იუპიტერის ყინულოვანი თანამგზავრები. მეტი ველარ გაიმეტეს ჩვენთვის ამ ახერებმა, არა?

პასუხის ნაცვლად ბონდომ მხოლოდ აიჩქრა მხრები.

მეშვიდე სართულის ბინადარმა თავის ძველებურ მექანიკურ მაჯის საათს დახედა, ისრები მართლაც თერთმეტს უახლოვდებოდა. რა-რა და დრო კი მართლაც უამ-

რავი ჰქონდა წინ. განუზომლად დიდი. მარადისობის სადარი.

— ეჰ, რაც ზემელზე ხინკალი მიჭამია და ლუდი დამიყოლებია... კაი დრო იყო, ბონდო, არა? გვიცხოვრია ხომ ჩვენც, თურმე?

— ამას კი ჯობდა... ყველაფერი ღვთის ნებაა. სხვათაშორის, მამიას ყავახანა ჯერ, მგონი, მუშაობს. აქეთ რომ გამოვიარე, მამია დავინახე, ფუსფუსებდა თავის კაფეში... სასკრიტიც დაკეტილია და ვერიჩქასიც... ცვადოთ მამიასთან ბედი?

— ჰო, აბა, სხვა რა დაგვრჩენია? ისე, ვერიჩქას ხუთლარიანი კი სჯობს, მაგრამ... წამო, წამო, სანამ ეგეც არ წასულა. დღეს თურქულზე მე გაპატიყვებ!

ხუთოდე წუთში მამიას ღია ყავახანაში მაგიდას მიუსხდნენ. ირგვლივ, მამიას გარდა კაციშვილის ჭაჭანება არ ჩანდა. მამიამ ცოტა გაკვირვებით გახედა ძველ კლიენტებს და მორჩილად მიუახლოვდა მათ. შეკვეთა რომ მისცა, ბონდომ დახლისკენ შებრუნებულ მამიას მიაძახა:

— ბიჭო, მამია! დღეს ყველაფერი დაკეტილია და შენ რაღა გეტყავს, ასე რომ გაისარჯე? რომელ საათზე მიფრინავ?

— ოთხზე, ბატონო ჩემო. ოჯახი რა ხანია გავისტუმრე, დღეს კი ჩემი ჯერია.

— მამ, ჩვენსავით ყოფილხარ, ძველო, — ჩაეცინა მეშვიდე სართულის ბინადარს.

— კი ბატონო. დილით რაღაც ძალამ წამძლია და წამოვედი, ერთხელაც აქაურობას თვალს შევაკვებ-მეთქი. კიდევ კარგი, თქვენ მაინც შემრჩით. თორემ დღეს ერთი ბავშვიც კი არ მოუყვანია დედას ნონას ბაღში.

— რომელი დედა გამოჩნდებოდა დღეს აქ? დედა-შვილების ევაკუაცია კარგა ხანია, რაც დასრულდა. უკანასკნელმა დედამ სამი დღის წინათ დატოვა აქაურობა. ისიც იმიტომ, რომ რაღაც გაუგებრობა ყოფილა ბილეთებში.

— სწორიცაა, ჭეშმარიტი ჯენტლმენობა ეგაა, პენსიონერი კაცი ქალებსა და ბავშვებს ტრანსპორტში ადგილს რომ უთმობს, — ჩაურთო სიტყვა ბონდომ და მას ყლუპიც მიყვოლა, — ავაშენა ღმერთმა, მამია, კაი ცხელი ყავაა... ხომ იცი, დღეს ამ კაცის დაპატიყვებული ვარ.

— არა, დღეს თქვენთვის ყავა უფასოა, — უპასუხა მამიამ, — უკანასკნელი კლიენტები ხართ. თანაც, მალე უნდა დაკეტილი აქაურობა და წავიდეთ. რაღაც პატარა საქმე კიდევ დამრჩა სახლში გასაკეთებელი.

— ნეტავ, ვის უტოვებ ამ შენს საქმეს? — ჩაეცინა ბონდოს, — მაინც ჯერ ძალღე-

ბი და ტურები შემოესევინა ამ ქალაქს, მერე მგლები, მერე დათვების ჯერი დადგება და მერე კი დამთავრდება ყველაფერი. ვერ ხედავ, შამათი ჩავისევს...

საათმა სწრაფად გაიბრინა. მალე ბონდოც და მამიაც თავ-თავის საქმეებზე წავიდნენ და ის ისევ მარტო დარჩა. ვერ გადაწყვიტა, სახლში აბრუნებულყო თუ ვაკისკენ გაეარა, გაეშალა ფეხი.

ხვალდან ბევრი, ძალიან ბევრი დრო ექნება. და სრული თავისუფლება. მაცივარი კონსერვებით აქვს გამოტენილი, სამზარეულო და აივანი წყლით სავსე ბოთლებითა და ბოცებით, ბორჯომი კიდევ ცალკე, წამლებიც საკმაოზე მეტი აქვს მომარაგებული, და რამდენსაც გაძლებს — გაძლებს. არსად წასვლას არ აპირებს. მართალია, ბონდოს კი უთხრა, რომ სამ საათზე გმირთა მოედანზე უნდა გავიდეს და იქ შეუერთდეს წარჩინებულ პენსიონერთა სპეციალურ ჯგუფს, მაგრამ ეს თავიდან ბოლომდე ტყუილი იყო. მტკნარი სიცრუე და ზედმეტი უხერხული კითხვებისა და რჩევებისგან თავის არიდების ხერხი.

ტყუილი არ უყვარდა, მაგრამ ახლა სხვა გზა არ იყო. ატეხავდა ბონდო ერთ ამბავს, ხვეწნა-მუდარას დაუწყებდა, დააყენებდა თავზე პატრულს... თუ, რა თქმა უნდა, კიდევ ეგულებოდა სადმე პატრული.

ისე, ორმოცდამეათმეტიეტი სკოლასთან რომ მივა, სჯობს, იქ გაუწიოს ანგარიში საკუთარ ართროზთან ფეხებს და ცოტა ხნით შეისვენოს მაინც, წამოჯდეს სადმე, თვალს წყალი დააღვინოს, მერე კი უკან გაბრუნდეს მშობლიურ ვერაზე. ოდესღაც, უხსოვარ დროს, უსწავლია ამ სკოლაში, ოქროს მედალოსანი, მართალია, ვერ გახდა ერთი ატესტატში გამოყოფილი ოთხიანის გამო, არადა, წყენა არასოდეს კვდება — ნამდვილად ეკუთვნოდა ფრიადი იმ უკანასკნელ გამოსაშვებ გამოცდაში, დღესაც კი ჩხვლეტს იმ უსამართლობის გახსენებისას გული, რა იცოდა მამინ, თუ იმ ოქროს მედალში მისი თანაკლასელებისა და ამხანაგის მამას ფული ჰქონია გადახდილი...

ქუჩებში ხეტიალი დღეს, იცოცხლე, კარგია, მაგრამ სახლში, თავის მეშვიდე სართულზე, უმჯობესია, მანამდე აასწროს და ავიდეს, სანამ ჩამოხვედვება, თორემ გარე განათებას ამ ქალაქს ამ საღამოს არავინ აღირსებს. არც ამ საღამოს და არც აღარასოდეს. დღის აქეთ ეს ქალაქი მართლაც მხოლოდ მიტოვებული და შიმშილისგან გამგელებული ძაღლების, კატებისა და სხვა ცხოველების საბოგინო სარბიელი გახდება, ოღონდ მათაც მალე შემოაკლდებათ სასუსხნავი და დაინყებენ ყბუილა და ღმუილს... ხვალ ალბათ კიდევ გაბედვს და გავა ქუჩაში, იქნებ, ზეგაც მოახერხოს. მერე კი მორჩა, აღარ გარისკავს, უბრალოდ დარჩება სახლში აივანის ამარა სანამდეც გაძლებს, უკანასკნელ ამოსუნთქვამდე... მერე კი, ერთი თვის შემდეგ... არა, არ სურს იმაზე გაფიქრება, თუ რა იქნება ერთი თვის შემდეგ — ყველაფერი ნაფიქრალია უკვე, ნაფიქრალი და გადანყვეტილი.

სამაგიეროდ, ვერც ფანჯრიდან დილის მთანმინდის მშვენიერ ხილვას ვერავინ წაართმევს და ვერც აივნიდან გადაშლილი ქალაქის ხილს თავისი მოოქროვილი ტაძრებით, უთვალავი ჩამკვდარი ცათამბჯენითა და ჩამავალი მზით. ისევე როგორც, ვერც ძველ რადიომიმღებს თავისი ბატარეებით და ვერც მძლავრ აკუმულიატორზე მიერთებულ კომპიუტერს. ხან ერთ აგრეგატს ჩართავს, ხან მეორეს და ასე, ძველი მუსიკალური ჩანაწერებისა და მდუმარე ეთერის თანხლებით, გაატარებს დარჩენილ დღეებსა და ღამეებს — იქნებ სადმე რამემ დაიტკაცანოს... ხომ შესაძლოა, მის გარდა კიდევ ვიღაც დარჩეს, არ გაყვეს იმ დასაქცევ კოსმიურ სივრცეში ამ გასაქცევად გამზადებულ ბრბოს... აქ თუ არა, სხვა კონტინენტზე მაინც.

\*\*\*

ეს ამბავი გახმაურდა და მსოფლიოს მოედო სამი წლის წინათ. სწორედ მაშინ უტყუარად დადგინდა, რომ მაგნიტური პოლუსების მკვეთრი გადაადგილებისა და მზის რადიაციული ქარის გაძლიერების შედეგად, დედამიწა ამიერიდან ყოველთვიურად დაკარგავს საკუთარი ატმოსფერული ჟანგბადის მარაგის ნახევარ პროცენტს, ანუ რაღაც სამ წელიწადში ადამიანის სიცოცხლე დედამიწაზე შეუძლებელი გახდება.



# გიორგი ლორთქიფანიძე ბოლო

დასასრული

და მაშინ... მაშინ მოხდა ნამდვილი სასწაული. გარღვევა, რომელსაც სხვა ვითარებაში, შესაძლოა ათასწლეულები დასჭირვებოდა. და ეგვიპტე საკითხავია — მოხდებოდა კი ოდესმე?

დედამინაზე უცებ, რამდენიმე ცხელთაცხელი კვირის განმავლობაში, შეწყდა ყველა ომი, დადუმდა ყველა ქვემეხი, გაჩერდა ყველა ტანკი, გაუქმდა ნებისმიერი პოლიტიკა, ჯარისკაცები დაითხოვეს და გაუშვეს სახლებში, დატოვეს მხოლოდ ელემენტარული წესრიგის დასამყარებლად აუცილებელი მცირერიცხოვანი ჯგუფები, სამიოდე თვეში გამოირიცხა ეპიდემიები და შიმშილი, სიმდიდრე მეტნაკლებად სამართლიანად გადანაწილდა მდიდრებსა და ღარიბებს შორის, თითქმის მოისპო ყველა ადრე არსებული პრივილეგია, და ამ საყოველთაო სასწაულის მიზეზი სულაც არ გახლდათ ადამიანის ბუნების რაღაც უცარი გაკეთილშობილება. ბოლო-ბოლო, ყველას ყველაფერი ესმოდა და ძლიერთა ამა ქვეყნისა სხვა გამოსავალი აღარ დარჩათ, რადგან მოახლოებული საერთო დაღუპვის წინაშე კაცობრიობის თვითგადარჩენის ინსტიქტი მისსავე უფრო ველურ ინსტიქტებზე ძლიერი აღმოჩნდა. ყველამ ერთბაშად შეიგნო, რომ სიკვდილიც საერთოა, ყველასთვის ითქმის, და სიცოცხლეს, და სიკვდილი უფრო ახლოა. გამონაკლისი აღარ არსებობდა. ასეთ ვითარებაში მსოფლიოს მესვეურებმა მთელი ძალები და სახსრები მხოლოდ მეცნიერებისა და საინჟინრო ტექნოლოგიების უსწრავლეს განვითარებაზე გადაისროლეს და შედეგამაც არ დააყოვნა.

უმოკლეს ვადებში შეიქმნა დედამინის გიგანტური კოსმოსური ფლოტი, უმძლავრესი კომპიუტერების მეშვეობით აღირიცხა მსოფლიოს ყველა კუთხე-კუნთქულში მობინადრე თითოეული ადამიანი — ჩვილებიდან მოხუცებამდე. რაც მთავარია, ელვისებური ტემპით — მიუხედავად თანამდევნი ავარიებისა და კატასტროფებისა — აშენდა და აღიჭურვა სათანადო საცხოვრებელი ბაზები და კოლონიები მთვარეზე, მარსზე და სიცოცხლის შესანარჩუნებლად გამოსადეგ ოუპიტერის სამ თანამგზავრზე წყლის გიგანტური მარაგებით, რაც ადგილზე ჟანგბადის წარმოების საშუალებას იძლეოდა — კალიფორნია, იოხა და განიმიდეზე. ერთი სიტყვით, კაცობრიობას გადარჩენის პერსპექტივა გაუჩნდა — ოლონდ მშობლიური პლანეტის დატოვების ხარჯზე.

და, აი, დათქმული დღეც დადგა. ევაკუაციის განკითხვის დღე. ამ დღეს უკანასკნელი ადამიანები ტოვებდნენ დედამინას და უკანასკნელი თბილისელები თბილისს. სონას ბაღიც უჩუბრად ბარდებოდა წარსულის წყვილიად.

მაგრამ აღმოჩნდა, რომ ყველას, თურმე, მინც არ ეთმობა დილის მთანმინდა და უკანასკნელი გასეირნება ვერაზე. კონსტიტუცია ამას არ კრძალავდა და ეს მათი თავისუფალი არჩევანი და მათი უფლება იყო. არცაა გასაკვირი, თუ მილიარდობით ადამიანში კომპიუტერებსაც გამოეპარათ რამდენიმე გამონაკლისი... გამოუსწორებელი და ჯიუტი ეგოისტები, ვისთვისაც თვით ფიქრი წარსულთან განშორებაზე იმდენად აუტანელია, რომ ამას სიკვდილი უარჩევნიათ, რამეთუ მათ წარმოდგენაში მათი პირადი წარსული ზეახალი ვარსკვლავის აფეთქების წიაღში ნებისმიერ შობილ უსასრულო მომავალზე მეტია. საკუთარ ოჯახზე მეტიც კი.

და აი, ერთი ასეთი ეგოისტი ოდესღაც, თურმე, ჩვენს ქალაქში, ჩვენს გვერდით, ვერისუბანში აღმართულ თხუთმეტსართულიან კოშკში ცხოვრობდა, მეშვიდე სართულზე. ოთხმილიონიან ქალაქში მხოლოდ ერთი, და ისიც უპატრონოდ და უპაეროდ დარჩენილი დედამინის სხვადასხვა კონტინენტზე კიდევ რამდენიმე ასეთივე უცნაური სულიერი არსების აღმოჩენის იმედად...

ბოლოკაცები.

ლიტერატურათმცოდნის „პორტირება“ თეორიულ-აკადემიური სივრცეიდან მხატვრულში, განაზრება-განზოგადება-თა ველიდან — პარაბოლა-ენიგმათა სამყაროში, აჩენს ერთგვარ მიშა თუ ეჭვს, რამდენად შესაძლებელი სტილის აბსოლუტური ტრანსფორმაცია, ფიგურალურ ტექსტში იმ ღვთაებრივი სიკამკამის ფიქსირება, რის გარეშეც „სიცრუის (გამონაგონის) სიბრძნე“ მიუღწევლ ოცნებად რჩება.

სალომე კაპანაძის „დედღინ ფანის ამბები“ ის ბედნიერი ტექსტია, რომელშიც ლიტერატურათმცოდნეობითი ბექგრაუნდი არათუ არ ვნებს მხატვრულ ქსოვილს, პირიქით, „ნაქსოვის სილბოხა და ნაჭედის სიმტკიცეს“ სძენს.

ტექსტი, თითქოს, პატარებისთვისაა ნათხზი, მაგრამ ლიტერატურული ზღაპრის კანონიკის ზედმიწევნითი ცოდნა ფანის

ნანა კუცია

# პოსტმოდერნისტული „ზღაპრის მორფოლოგია“

ისტორიას დიდებისათვისაც არანაკლებ საინტერესო და საგულისხმო საკითხავად აქცევს (მით უფრო, თუ ტექსტის პოლიტიკურ სარჩულს ჩაუფრთხვებებით).

ლიტერატურას ინგლისელები Fiction-ად (ფიქციად, გამონაგონად) იხსენიებენ. ზღაპარი ამ ფიქციურ ველშიც კი განსაკუთრებული სივრცეა.

ენციკლოპედიის ცნობით, „ტერმინი „ზღაპარი“ პირველად ქართულ ბიბლიაში გვხვდება (მე-7 საუკუნე), ქართულ ზღაპართა დღემდე ცნობილი უადრესი ჩანაწერი ბერნარდე ნეაპოლელს შეუსრულებია მეჩვიდმეტე საუკუნეში, სისტემატური შეკრება კი მეცხრამეტე ასწლეულიდან დაიწყო (ლადო აღნიაშვილი, 1890).

აკადემიური განმარტებით, ზღაპარი ხალხურ-ზეპირსიტყვიერებითი შემოქმედების უმნიშვნელოვანეს ეპიკურ ჟანრთაგანია.

მხატვრული ეპოსის უძველეს სახეობათაგან ზღაპარი იმით განსხვავდება, რომ მეზღაპრის მონათხრობს მსმენელი აღიქვამს როგორც მხატვრულ გამონაგონს, ფანტაზიის ერთგვარ თამაშს, რაც, რასაკვირველია, სულაც არ გამოირიცხავს ზღაპრის პირდაპირ კავშირს რეალობასთან, პირიქით — განსაზღვრავს ტექსტის შინაარსს, ენას, სიუჟეტის ხასიათს, მოტივებსა და პერსონაჟებს („ლიტერატურული ენციკლოპედიური ლექსიკონი“, 1987, რუსულ ენაზე).

„ზღაპრის ბოლო კეთილია“ და მთავარ კონცეპტად იკვეთება „ბოროტსა სძლია კეთილმან, არსება მისი გრძელია.“

თანამედროვე ეპოქაში ზღაპარი ერთგვარად დიდფერენცირდა — განასხვავებენ ეგრეთ ნოდებულ „ლიტერატურულ“ და „საბავშვო“ ზღაპარს. ზეპირსიტყვიერების სივრცეიდან ზღაპარი ლიტერატურულ ველში შედის და მოარული სიუჟეტები მსოფლიოს სხვადასხვა კუთხის მცხოვრებთ არწმუნებს, რომ, ეროვნულ-ეთნიკურ განსხვავებათა მიუხედავად (რაც, ცხადია, აპრიორი ირეკლება ტექსტში), ღირებულებათა სისტემა სამყაროში ფაქტობრივად ერთ(ნარი)ია.

„ყოველ ერს თავისი მითოლოგია აქვს, გამოხატული ლეგენდებსა და ფოლკლორში. მითი განსაკუთრებულ ფორმას იღებს იმის მიხედვით, რომელ კულტურულ სივრცეში ვითარდება, მაგრამ, ამის მიუხედავად, მითი უნივერსალურია, მსგავს მოტივებსა და თემებს შეიძლება მივაკვლიოთ სხვადასხვა მითოლოგიაში. მითების ამა თუ იმ სახეს შეიძლება ერთი და იგივე მნიშვნელობა ჰქონდეს კულტურაში სრულიად სხვადასხვა ხალხებისა, რომელთაც ერთმანეთისაგან დრო და სივრცე აშორებს. ამგვარ მოტივებსა და თემებს არქეტიპები ეწოდება. არქეტიპები უნივერსალური სიმბოლოებია“ (გივი ლომიძე, „მითოლოგიური კრიტიკა“, ნიგში: „ლიტერატურის თეორია. მეოცე საუკუნის ძირითადი მეთოდ-

ოლოგიური კონცეფციები და მიმდინარეობები“, 2008) (განსაკუთრებით პოპულარულია არქეტიპული სიუჟეტები გველის დამარცხებაზე, ან მის ტრანსფორმაციაზე).

კარლ-გუსტავ იუნგი არქეტიპებს (პირველხატებს) „მითის მაკონსტრუირებელ სტრუქტურულ ელემენტს“ უწოდებს („არქეტიპი და სიმბოლო“).

ფოლკლორისტიკის მითოლოგიური სკოლის წარმომადგენლები ზღაპარს „მითის ნამსხვრევად“ იხსენიებენ, კომპარატივისტები აანალიზებენ სიუჟეტური სქემების შემთხვევით თუ ლოგიკურ დამთხვევას, ანთროპოლოგიური სკოლა იკვლევს ზღაპართა წარმოშობის ერთიან ყოფით-ფსიქოლოგიურ საფუძვლებს.

თეორიულ განაზრებათა მიღმა დგას ზღაპრის ჯადოსნური, დიდებული სამყა-

ქტში აერთიანებს ოთხ ისტორიას, რომელთაგან უმთავრესი გოგონა ლილესა და დედღინ ფანის მეგობრობის ამბავია.

„ხელოვნებასა და ლიტერატურაში დედღინი პოპულარული ენიგმაა.“

ანტიკური ხანის პოეტთათვის (მაგალითად, არიონისათვის) დედღინი ადამიანისადმი უანგარო სიყვარულის გამოხატულებას, მეგობრობის სიმბოლოს წარმოადგენდა („ანტიკურობის ლექსიკონი“, 1989, რუსულ ენაზე).

ამავე რაკურსით წარმოგვიდგენს ფანის მწერალი-მეზღაპრე — ფანი ნამდვილი დედღინია და ზღაპრული მხოლოდ ისაა, რომ იგი ადამიანურ ენაზე საუბრობს („ცხოველთა შესახებ ზღაპარში (კი) ვხვდებით არქაულ ტოტემისტურ წარმოდგენებს (იგავ-არაკის საპირისპიროდ)). ცხოველები აქ ადამიანის ალტერნატიული გამოხატულებ-



ბები არ არიან. ჯერ კიდევ არ არის გაცნობიერებული პრინციპული განსხვავება ადამიანსა და ბუნებას შორის“ (ქსე, 1979).

ფანისა და ლილეს მეგობრობის დასაწყისში („გაცნობა“ „ცნობაცაა“, გაიცანი, ანუ — იცანი!) დედღინისა და გოგონას გაბაასება ნიგნიერ ქართველს ბარათაშვილის ქრესტომათიულ ციტატას მოაგონებს:

არს ენა რამ საიდუმლო უსაკოთაც და უსულთ შორის

და უცხოველეს სხვათა ენათა არს მნიშვნელობა მათის საუბრის.

დედღინის ენა, ცხადია, მხოლოდ პატარას ესმის, რადგან „მაგათნაირებისა ცათა სასუფეველი“ — ყრმებისა, ვისი სულიცა და გონებაც ჯერ არ გამოიფენია სამოთხისეულ ნეტარებას, იდილიას, უნივერსუმის უნივერსალურ ჰარმონიას.

სალომე კაპანაძისეული ტექსტის ქრონოტოპოსი სამოთხისეული უდროობაა თუ ზედროულობა. აქ ყველაფერი მზეში ლიგვივებს, ჰაერში გლიცინიების, ოლეანდრებისა და მაგნოლიების სურნელი დგას, „ტკბილი სიზარმაცეა“, როგორც პაოლო იაშვილი იტყოდა. დიდები, ცხადია, მუშა(კ)ობენ, მაგრამ ზღვისპირა ქალაქებისათვის ბუნებრივი, აუჩქარებელი რიტმია მინიშნებული ტექსტში. ნაირა გელაშვილის ლექსში „სიმღერა ქალაქ სოსხუმზე“ პირდაპირაა კონსტატირებული:

...და ეღვარება

შავი ზღვის მუქი ლილა, განწყობას ქმნიდა შავი ყავა და „ამრა“ (კაფე — შეჭრილი,

თუ გაკიდული ზღვაში), მსუბუქ მუსიკით

გატანინებდა ზაფხულს, ზღვაურს მოჰქონდა

ტალღების სუსტი ტაძი. რაღაც სიმზატე და

პროფანული ახლდა იქაურობას,

როგორც ტურისტულ სადგურს, ვით კურორტს,

ანუ დასასვენებელ ადგილს, თუმც ვერ არღვევდა

მის შინაურულ ყოფას, მის მყუდროებას, შეიცნობდა რითაც.

ლილე ამ „შინაურულ ყოფასა და მყუდროებაში“ მცხოვრები პატარა გოგოა, რომელსაც სამყაროს უნივერსალური ენის





მწერალი

ნოდარ მაჭარაშვილი

ჯერ კიდევ მაშინ, როცა ნოდარ მაჭარაშვილის ბესტსელერს, „ავი მუსაიფს“ ვკითხულობდი, და მაშინაც, ინტერვიუსთვის რომ ვემზადებოდი, მის სხვა ნაწარმოებებს ვეცნობოდი, ინტერვიუებს ვისმენდი, უკვე ვფიქრობდი, როგორ მოახერხა ახალგაზრდა კაცმა ასეთი დამოუკიდებლობის შენარჩუნება, როგორ „გადაურჩა“ ცნობილი ოჯახის, კლასიკოსი ბაბუის გავლენას და მხოლოდ გამოცდილებით, ცოდნის ძიებით, ინტერესით, გავლილი გზებით შექმნა თავისი ცხოვრება, სრულიად თავისუფალი ბიოგრაფია და ასეთი შთამბეჭდავი ლიტერატურული ნიმუშები-მეთქი. ჩვენი ინტერვიუს შემდეგ ეს შთაბეჭდილება კიდევ უფრო გამომყარდა. ნამდვილი მონუმენტალისტია მწერლობაში — შესანიშნავი ისტორიული სახეები გამოაქანდაკა, ურთულეს ისტორიულ თემებს მოერია, ეპოქები გააცოცხლა. დიდი, მსუყე ტილოების მთელი ვალერეა აქვს, რომელიც შეგიძლება და ისე ილაპარაკებს თითოეულზე, თითქოს ჩვეულებრივ, არაფრით გამოჩენულ ამბავს გიყვებოდეს, არადა, რამდენი იმუშავა, ასეთი სურათი რომ შეექმნა, ასეთი ამბავი რომ დაენერა.

როცა ჩვენ შევხვდით, ის-ის იყო ერეკლე მეორის ორდენით დააჯილდოვეს თელავში. სწორედ ამით დავიწყეთ:

— ერეკლეობას, თელავში, ბატონის სასახლეში მისი სახელობის ორდენი გადმოცეს. ვინ დაგაჯილდოვებდა?

— ბაგრატიონების სამეფო სახლმა კათოლიკოს-პატრიარქის ლოცვა-კურთხევით დააარსა ეს ორდენი რამდენიმე წლის წინათ და მას მერე, ყოველ 7 ნოემბერს, ერეკლეობას, სამეფო სახლის მეთაური ნუგზარ ბაგრატიონ-გრუზინსკი გადასცემს მას სხვადასხვა სფეროს წარმომადგენლებს. გრუზინსკები კახელი ბაგრატიონები, ერეკლეს პირდაპირი შთამომავლები არიან. წელს სხვებთან ერთად მეც დამაჯილდოვეს, ოცდამეხუთე ადამიანი ვიყავი, ვისაც ერეკლე მეორის ორდენი გადაეცა. ღონისძიებას თელავის კულტურის სახლისა და ქალაქის მერიის წარმომადგენლებიც ესწრებოდნენ, თუმცა ორგანიზატორები რამდენად იყვნენ, ვერ გეტყვით.

— დარწმუნებული ვარ, თქვენი ცნობილი ბესტსელერი „ავი მუსაიფი“ იქცა მთავარ მიზეზად, ამ ჯილდოს მფლობელი ყოფილიყავით, და რაკი ერეკლე მეფე იმ დავიწყებით, მასზე შექმნილი რომანი ვე ვაკვარძებოთ. როგორ დაიწყეთ ფიქრი რომანზე და როგორ იწერებოდა ის?

— რომანზე ფიქრი დიდი ხნის წინ დაიწყო. საქართველოს ისტორიას მასწავლიდა გიორგი ოთხმეურის, მათ ოჯახში დავდიოდი, სწორედ ლორთქიფანიძეებთან გავიარე პირველი გაკვეთილები და შეიძლება ითქვას, მათგან დავეუფლე ისტორიის ანა-ბანას. მერე ერეკლეს მოღვაწეობის პერიოდსაც შევეხეთ, მე-18 საუკუნემდე მივედი. მასხოვს, გიორგიმ ამიხსნა დეტალურად ყველაფერი, მთელი ეპოქა გააცოცხლა ჩემ თვალწინ. ერეკლე რომ გავიცანი პირველად, გავგიჟე, ასეთი ნაომარი, ბრძოლებამოვლილი, მთელი ცხოვრება ხმლით ხელში... მაგრამ წიგნის დასაწერად, რა თქმა უნდა, ეს საკმარისი არ იყო, ან ვინ წერს ისტორიულ რომანს მხოლოდ გაგონილით?! უბრალოდ, მაშინ ინტერესი გამიჩნდა. და როცა დავინტერესდი, ახლიდან დავიწყე საქართველოს ისტორიის კითხვა, შესწავლა და თითქმის ყველაფერი მოვიძიე, რაც კი დაწერილა ერეკლეზე, მათ შორის „საქართველოს ისტორიის“ ტომები ოთარ ჯაფარიძის, მარიკა ლორთქიფანიძის, დავით მუსხელიშვილის, როინ მეტრეველის ავტორობით, ივანე ჯავახიშვილის „ქართველი ერის ისტორია“, გავეცანი მე-19 საუკუნის ისტორიკოსის, პლატონ იოსელიანის ნარკვევებს, ასევე ერეკლე მეფის თანამედროვეების, ომან ხერხეულიძისა და სხვანაირი წიგნების ნაწილებს. ვნახე ყველა გადაცემის ჩანაწერი, რაც კი ერეკლეზე და მის ეპოქაზე მოუშადადებიათ.

— ბევრმა სცადა ერეკლეს ეპოქის გაცოცხლება მხატვრულ ლიტერატურაშიც.

— ვინც შეეხო ამ თემას, ალბათ ყველა გაკვრით, სიღრმისეულად ერეკლეზე არ-



„ მიხვდი, რომ გამოვიდა “

ავის დაუნერია. არადა, არაერთ დიდ ქართველ მეფეზე შექმნილია ცნობილი ნაწარმოებები — მაგალითად, კონსტანტინე გამსახურდიამ რომანი მიუძღვნა დავით აღმაშენებელს, შემდეგ გიორგი პირველი გაცოცხლა „დიდოსტატის მარჯვენაში“, დავით მეოთხეზე დაიწერა დათო ტურაშვილის „ტყეების მეფეც“. ჭაბუა ამირეჯიბმა გიორგი ბრწყინვალე აქცია რომანის მთავარ გმირად, ერეკლეზე კი დუმდა პროზა. მაშინ გავაანალიზე, ასეთი დიდი მეფეა, ასეთი ცხოვრება განვლო, მასზე თითქმის ყველაფერი ვიცი, უამრავი მასალა მაქვს და მიყვარს-მეთქი... დაიწყო და დაიწყო. მაშინ მოსკოვში ვიყავი. იქ მოუყარე თავი მთელ ჩემს მასალას, ნაკითხულსა და ნანახს, წერა კი პარიზში დაიწყო, როცა იქ საცხოვრებლად გადავიდი.

— დიდი ხანი წერდით?

— ექვსი თვე. ოღონდ ყოველდღე 8 საათი ვმუშაობდი. ასე დაიწერა. მაგრამ ვიმუშავე. გამოვიდა მგონი.

— ძალიან კარგი საკითხავია მართლაც.

— მე თვითონ მომწონს, არადა ეგ ძალიან იშვიათად ხდება. როცა უკვე წიგნად გამოიცა, ვერ მოვწყედი, ორი დღე ვიკითხე, წესიერად აღარც მახსოვდა. ერთია, როცა მუშაობ და სულ სხვაა, როცა წიგნი გამოვა და კითხულობ. მაშინ მომეწონა და მივხვდი, რომ გამოვიდა.

— იცით ხოლმე მიბრუნება თქვენს წიგნებთან?

— კი, ვიცი. ვუბრუნდები ხოლმე.

— მხოლოდ „ავი მუსაიფს“ თუ სხვა წიგნებსაც?

— უფრო ხშირად „ავი მუსაიფს“.

— როგორ დაიწყეთ წერა, გახსოვთ?

— ბავშვობიდან დავიწყე. მოკლე შინაარსებს, თავისუფალ თემებს ძალიან კარგად ვწერდი. სანამ უნივერსიტეტში ჩავაბარებდი, დედაჩემმა ქართულის მასწავლებელთან, რუსიკო მეგრელიშვილთან მიმიყვანა. რუსიკომ რაღაც თემა მომცა მაშინ და რომ დავეწერე, აქ სხვა ამბავთან გვაქვს საქმეო, მითხრა. სხვა ბავშვებიც იყვნენ იქ, მაგრამ წერდნენ ისინიც, მაგრამ მე სხვანაირად გამომდიოდა. რუსიკო მეუბნებოდა, შენზე ცალკე სამუშაოა, სხვანაირი ხარო. განსხვავებულად ვწერდი, გასაკვირიც არ არის ალბათ.

— გენეტიკა მუშაობს.

— რუსიკომ იმუშავა ძალიან კარგად, გზები გამიხსნა და ბევრი ისეთი რამე მასწავლა, მწერლობაში რომ გამომადგა. მასხოვს, კლასიკოსების რომანებს რომ ვკითხულობდით, მერე ვსხდებოდით და ვარჩევდით. დეტალურად გვიხსნიდა ყოველ წინადადებას, როგორც მწერლობის ნიმუშს,


როგორც ლიტერატურულ ნიმუშს. სულ მეუბნებოდა, მწერლის ყოველი წინადადება ისეთი ნაწარმოი და ნაფიქრია, შეიძლება ათასჯერ გადაჯღაბნილი და გადაწერილიც კი იყოს და შენ რომ კითხვისას სამ და ოთხ გვერდს გადაახტები, იცოდე, შეიძლება მთავარი სათქმელი სწორედ იმ გვერდებს გადაყვესო. რუსიკო ძალიან დამეხმარა ჩემი იმ მწერლური გზის დასაწყისში.

— ის რომ არ შეგხვედროდათ, დანერღოთ მაინც?

— მე სულ ვწერდი და სულ ვკითხულობდი, თანდათან გამოცდილებაც მომემატა, ასაკიც, ცოდნაც დამიგროვდა...

— ყოველდღე მუშაობთ?

— არა. ყოველდღე არ ვწერ, მაგრამ ყო-



კომპეტენტური კონსულტანტი ვერც მეყოლებოდა. და ძალიან გამიხარდა, არსებითი შენიშვნა რომ არ ჰქონია, ამიტომ ამ მხრივ წყნარად ვარ.

— მამ ახალ რომანსაც უახლესი ისტორიული ფაქტები უდევს საფუძვლად. ზოგადად, ისტორიული თემატიკა რომ გაინტერესებდათ, ეს თქვენს ადრინდელ ნაწარმოებებშიც გამოჩნდა. მგონი, „ბუხარი“ იყო პირველი ნარმატიული მცდელობა ისტორიული ეპოქა გაცოცხლებინათ მხატვრულ ტექსტში. „ბუხარი“ საქართველოს სამწლიან დამოუკიდებლობასა და გასაბჭოების ტრაგედიაზე ჰყვებოდა.

— ასე იყო. თუმცა ჩემი პირველი წიგნები აღარ მიყვარს.

— რატომ?

— მიმაჩნია, რომ ესენი, გვიანდლები, უფრო დახვეწილია. „მოსკოვი-თბილისი“, „ავი მუსაიფი“, „ქეიფი სოლოლაკშიც“ — სულ სხვა მხატვრული დონის წიგნებია, ვიდრე ისინი, ფსევდონიმით რომ გამოდიოდა. მკითხველიც ხვდება ალბათ ამას.

— მაშინ ხომ თორნიკე გურჯინთახის სახელით წერდით. ძალიან მომწონს, რომ ფსევდონიმით დაიწყეთ და არა თქვენი რეალური სახელით და გვართობოდათ თან მაინტერესებს — რატომ?

— ფსევდონიმით? რა ვიცი, თითქოს მაჭარაშვილი... ტერენტი გრანელს რომ კვირკველიას სახელით ებეჭდა, დაახლოებით იგივეა... კი არ ვეძრები, უბრალოდ, ხანდახან ფსევდონიმი სჯობს და უფრო ამართლებს... როგორც აკას აქვს, როგორც ვაჟას აქვს... ბაბუაჩემსაც ფსევდონიმი ჰქონდა თავიდან. ჯგებე დუმბავა იყო. ლაღობდა. იუმორისტულ ჩანახატებს აქვეყნებდა გაზეთში. არ ვიცი, მეც ეგრე გადავწყვიტე, თუ ნაიღებდა, ნაიღებდა, მაგრამ მაჭარაშვილმა უფრო ნაილო.

— ბუნებრივია, მაგ დროს ხომ დამწყები ავტორი აღარ იყავით. უკვე გავლილი გქონდათ, ასე ვთქვათ, პირველი ეტაპი, გურჯინთახის სახელით და ვფიქრობ, ძალიან ბუნებრივი იყო ის წარმატებაც, რაც წილად ხვდა თქვენი რეალური სახელით და გვართობა გამოქვეყნებულ პირველ რომანს, „ავი მუსაიფს“. შემდეგ იყო „მოსკოვი-თბილისი“.

— ნაკითხული გაქვთ?



— არა, სამწუხაროდ. თქვენ მითხართ, რა ხეა.

— რეალურ ამბავზე აგებული. რაც ნაღდად იყო, ალბათ იმაზე უნდა წეროს მწერალმა, კი არ უნდა მოიგონოს რაღაცები. ეგ მარკესმა თქვა, მე არა. სჯობს, რაც გადაგხდათ, იმაზე წეროთ.

— ამაზე როგორ იმუშავეთ?

— პარიზში დავწერე ეგვეც.

— შემოქმედებითა და ძალიან აქტიური პერიოდი გქონდათ პარიზში, ხომ?





— მარტო ვიყავი, ენა არ ვიცოდი, ფრანგები კი უცნაური ხალხია, ძნელად მიგიღებენ. მეც ვიჯექი ოთახში და ვმუშაობდი. წერა მოსკოვში დავიწყე, მაგრამ არ მომეწონა, გადავასწორე, თავიდან ვცადე და ძირითადი ნაწილი, როგორც ვთქვი, პარიზში დაინერა, ერევანშიც ვმუშაობდი.

— ისტორიულ თემაზე დაწერილი კიდევ ერთი რომანია „ქეიფი სოლოლაკში“, რომელშიც მოქმედება გასული საუკუნის 20-იანი წლების თბილისში ვითარდება და მკითხველი კოტე აფხაზის ალსასრულის მოწმედ იქცევა.

— თორნიკე ბზიავას იდეა იყო ფილმის გადაღება კოტე აფხაზზე. როცა ეს სურვილი გამანდო, ვუთხარი, სცენარებზე არ ვმუშაობ, მაგრამ შემძლია მასალა შევისწავლო, ისტორიას გადავხედო და მოთხრობა დავწერო, მერე დაგიძახებ და ნახე-მეთქი. და რომ დავწერე, თორნიკემ იოლად გადააკეთა სცენარად, შევიტანეთ კინოცენტრის „პროექტის განვითარებაში“, მოვიგეთ კონკურსი და ფილმის გადასაღებად მზადებაც დაიწყო.

— და წიგნადაც გამოიცა.

— და ძალიან კარგად იყიდება.

— ჩვენ ხალხს განსაკუთრებული დამოკიდებულება, გაუნელებელი ინტერესი აქვს ისტორიული თემატიკის მიმართ. სანამ კოტე აფხაზზე ვიტყვი, „ავ მუსაიფს“ მივუბრუნებ, ერეკლეზე წერა ალბათ ძალიან რთული იყო იმიტომ, რომ მის შესახებ ყველამ ყველაფერი იცის, დამოკიდებულებები კი პოლარიზებულია.

— ერეკლე მეორე აქტუალური თემა იყო და იქნება ყოველთვის. რაც შეეხება კოტე აფხაზს, მის გარშემო რაც ხდება, რა სიუჟეტიც ვითარდება, სწორედ ეგ არის საინტერესო. იტყვი, ჯერ მაქეიფეთო და იმ ქეიფით იწყება მისი დახვედრის ამბავი. ერეკლესგან განსხვავებით, ძალიან ბევრმა ქართველმა არ იცის, ვინ იყო კოტე აფხაზი. არ იცინა, რომ თბილისის სახელმწიფო უნივერსიტეტის ერთ-ერთი ფუძემდებელია, რომ მისი სახელი საქართველოს ეკლესიის ავტოკეფალიის აღდგენას, სამხედრო ცენტრის დაფუძნებას, კახეთის რკინიგზის გაყვანას უკავშირდება. 1921-ში რომ შემოვიდნენ ბოლშევიკები, ყველა რომ გაიფანტა, კოტე დარჩა და 1923 წლამდე იომა, მუსრს ავლებდა ბოლშევიკებს, ორი წლის შემდეგ დაიჭირეს და დახვრიტეს. „ქეიფი სოლოლაკში“ ეგ ამბავია. წესით, უნდა გადაიღოს თორნიკემ. ვნახოთ.

— არაქართველ ისტორიულ ფიგურებზე თუ გიცდით და გეწერათ?

— არ მიცდია იმიტომ, რომ ჩემი არ არის, გულით ვერ დავწერ... მართალია, „კვაზიმოდოს ქალაქი“ საფრანგეთში მომხდარ ამბავზეა, მაგრამ რომანი მაინც ინტერნაციონალურ თემას ეხება — მუსლიმურ ტერორიზმს, ომს, სირიის კონფლიქტს, ეს კი ყველასთვის აქტუალური და საინტერესოა. თუკი გადაითარგმნა, ალბათ უცხოელი მკითხველი რომანის მიმართ გულგრილი არ დარჩება. „ავი მუსაიფი“ და „ქეიფი სოლოლაკში“ კი ლოკალურ ისტორიულ ფაქტებზე აგებული რომანებია, ქართული ბაზრისთვის, ქართველი მკითხველისთვის განკუთვნილი.

— დაახ, ასეა, ორივე რომანი საქართველოს ისტორიის უმტივენეულეს ფაქტებზეა დაფუძნებული, მაგრამ ორივეს სწორედ ის გამოარჩევს, რომ უაღრესად ეროვნული ხასიათის და თემატიკის პარალელურად, თქვენს საყოველთაო ღირებულებებს ეხებით, ვგულისხმობს სამშობლოს სიყვარულს, მისთვის თავის განიცდევას, ერთგულებას, მეგობრობის ფასს და ასე შემდეგ. ამით, მგონი, ბაბუას ჰგავხართ. ერთი სოფლის ამბავზე წერდა და თან მარადიულ ღირებულებებზე ყვებოდა.

— სხვათა შორის, „კუკარაჩას“ გადაღება უნდოდა „ნეტფლიქსს“, ოლონდ ახლებურად. თემა მოსწონდათ, ქალს რომ ქურდი და პოლიციელი ერთდროულად უყვარს. ვითომ ხომ არაფერი, მაგრამ მაგარი თემაა, ყოველთვის აქტუალური. ახლაც ხომ უყვარდებოთ დამნაშავეები და პოლიციელები ქალებს?

— თქვენზე და ბაბუაზე მიაბებოთ.

— არ ვიცნობდი. მისი გარდაცვალებიდან ორ თვეში დავიბადე.

— ნოდარ დუმბაძის გავლენას მაინც როგორ დაუსხლტით ასე?

— სულ სხვა ტიპის მწერალია. უბრალოდ, ორივეს ნაწერი იკითხება იოლად და ყველასთვის გასაგებია. ამაში ვგავართ. მოსკოვში რომ ვცხოვრობდი, ჩეხოვის სახელობის უმაღლეს ლიტერატურულ კურსებს გავდიოდი. მაშინ უკვე გამოქვეყნებული მქონდა მოთხრობები, რამდენიმე რუსულადაც იყო თარგმნილი და ერთხელ ერთმა იქაურმა პედაგოგმა, გრიცენკომ, ასეთი რამე მითხრა — მწერალი გყავდათ, ნოდარ დუმბაძე, და შენი მოთხრობები სიმსუბუქით მის ნაწერებს მაგონებსო.

— ახლა მუშაობთ რამეზე?

— ახლა არაფერზე.

— არც გეგმა გაქვთ?

— მამაჩემის ბაბუა, ნესტორ მაჭარაშვილი, მამადავითზე ეკლესიის წინამძღვარი იყო, 1934-ში შვილთან ერთად დახვრიტეს. მის ნაშრომებს, ნაწერებს ვიკვლევ ახლა, ეროვნულ არქივში, წიგნის მუზეუმში მივყვები მის კვალს. ჯერ მხოლოდ ვეძებ, მასალას ვაგროვებ და გადაწყვეტილი არ მაქვს, დავწერ თუ არა. ვნახოთ.

*P.S. ბოლოს, როცა საჩუქრად გამზადებულ „ავი მუსაიფზე“ წარწერას აკეთებდა და ვუთხარი, ეს სათაურიც ძალიან მომწონს-მეთქი, მიპასუხა: „სათაური დედაჩემმა ქეთიმ მოიფიქრა“.*

ესაუბრა თამარ შურული



საქანელა

სულზე დაფენილ ნუხილებსაც არ უჩანთ ბოლო, მარტოსული ვარ, ქარის ხახას გამოვეკერე და მაქანავებს ისე, როგორც საქანელაზე!..

ყვითელ ყვავილებს?

წყალს არ უსხამს ცოდვილი კაცი, სარკეში ისევ ირეკლება სასონარკვეთა...

თუ გეტყვი შიშით, რომ გავიყიდე, რომ სული ხორცზე უფრო მძიმეა, დამემალე ისე და ისე, როგორც აქამდე, ხეთა ჩრდილებში...

სამყარომ კვლავაც დამაყარა ლეშთა ნარჩენი, ისევე ისე ახარხარდა გამაგებზე! მე უწინდურად ამოვივსე კაცთა ფერებით და... გამიმძაფრდა ჩემი დარდი მივიწყებული...

დაძინებამდე ისევ ვამბობ ხატებთან ლოცვას, ცოდვილი ხელით ისევ ვინერ პირჯვარს განცხრომით! და... ველოდები სიზმარს მუდამ ბავშვური ტრფობით!

ზღაპრები ახლა აღარ მართობს, მე გავიზარდე, მაგრამ კვლავ მინდა მერქვას ისევ პატარა, სათნო...

მე რომ ვიზრდები, იზრდებიან ჩემი ცოდვებიც და მემატება კაცთა შიში, ამქვეყნიური! მეზევა სახე ყოველ დილით დაჭმული სიტყვით, მეზუტუტება ის აჩრდილი, საშიში ტანის!

გაქცევა მინდა, ვერ გავრბივარ! ღანვეზე ციმციმით ჩამომდინა ცხელი ცრემლები, სარკეში ისევ ირეკლება სასონარკვეთა და... ქარი ისევ მაქანავებს „საქანელაზე“.

\*\*\*

მზის სხივები კანს რომ მწვავდნენ, სადღაც გაქრნენ, თვალბშიაც აღარ არის ნაპერწყლები, გაქრნენ, გაქრნენ!.. ნაცრისფერი კედლების ქვეშ ქალი რომ დგას, ეშინია გაზაფხულის... სისხლიან ხელს ნაზად იდებს თვალბზე და ცდილობს ისე დაიძინოს, რომ აღარსად აღარ ჩანდეს მისი ლანდი!..

ემსგავსება გარდაცვლილ ქალს, ქარი ისევ ისე წივის, ბობოქრობს და ფოთლებს აყრის, გადატეხილს აღარ ესმის ღმერთის სიტყვა, სცოდავს, სცოდავს, ტაძრის კარსაც ვეღარ ალებს!.. დაიკარგა, დაემსგავსა მილეულ მზეს, მის სულშიაც აღმოცენდა ეკლიანი დიდი ვარდი, ზედ ერჭობა წყეულ გულზე, სისხლებს ადენს, ახევებს და აკარგვინებს საკუთარ მეს...

ქალი ქრება, სისხლში წვება, იკუნტება, ინმანება! ვაი... ახლა დემონებმა გადმოსძახეს — „აღარ ხარ აქ? გავიმარჯვეთ? გავიმარჯვეთ?!“ — ხარხარებენ, ხორცს უჭამენ, თმას უშლიან, ანამებენ. ანგელოზებს აღარ ესმით ქალის კვნესა, მიატოვეს, მიატოვეს!.. სანთელიც კი ისე ქრება, თითქოს ქარმა დაუბერა, ბუნებაც კი აფუსფუსდა, ახარხარდა... ზეცა ტირის, თანაუგრძნობს,

ქალი წელში მოხრილია, სარკესთან დგას, მახინჯია, აღარ შერჩა სილამაზე! დამსხვრეულ გულს დასევიან მატლები და... მადიანად უწყეს ძიძგნა, ვეღარ სუნთქავს, ვეღარ სუნთქავს! თვალებს ხუჭავს, ნებდება და თვალებს ხუჭავს!.. ნაზი ხელი ულურჯდება, უშავდება, ტურბიდან სისხლები სდის, უწითლდება, ნაცრისფერ ცას შეუკრია ხარბად წარბი, აწვიმს, აწვიმს, დაიკარგა სადღაც მზე და მთვარეც აღარ დარჩა ქვეყნად.

ზღვისფარი ნაწილი

ზღვისფერი ტალღა აბობოქრებს ჩემ სულს ცოდვიანს მტრედისფერ ნისლში გახვეულან სახლის ბოძები, მე მკარნახობენ მზისფერ რითმებს ართქმულს, ახლანდელს! შიშველ ტანზევე ჩამომდინა ზღვისფერი წყალნი, თითქოს მანერენ ნაწილ-ნაწილ დამალულ გრძნობებს...

ნარსულისფერი ადევს თითოს და... მოგონება ეთანხმება ზღვის ნამს ჩემ ტანზე, სული თრთის თეთრად, ტალღები მღერის, მე მანართობს ახლა შენი სახე უწინდებური! მტრედისფერ ნისლში ეხვევიან სახლის ბოძები და თითო წვეთი წყლისფერ დარდებს მიახლებს სულში!

ნიღბები ტალღებს სწრაფად მიაქვს დასალიერში, ახლა ნიღბები და მიყვრი ისევ გიყვით: „არ მაქვს ნიღბები, არ მაქვს არა!..“ და... იქვიშები!

ჩემი სული კი, შენი სულის დანახვით მკვდარი, შიშნარევი ფიცებს დებს დაჩოქვით გახელებული! ზღვისფერი წვეთი ჩემს სხეულზე იქცევა სარკედ და... ირეკლება შენი სახე ამ სარკის ჩრდილში!

მხეცი და კაცი ებრძვიან ერთურთს, შმაგი და წყნარი ჩხუბობენ შენთვის და... ჩემს სხეულზე დადიან წვეთნი! სარკის ჩრდილები და შენი ფერნი!

ნუშის კვირტი

მზის სხივები მიიმალნენ, ენძელები ინამება, ნუშის კვირტებს გამოსჭვივით ღვთიურობა...

დედამინას ეფინება ზეცის ცრემლი გაზაფხულდა, კაცის სულშიც აყვავილდა ნუშის კვირტი, გამოსჭვივის ღვთიურობა...

ეკლიან ვარდს სისხლები სდის, ღვთისმშობელი ისევ ტირის... ქრისტე ზეცის თვალს განაგებს, მკვდრეთით აღსდგა, ჩვენს სულშიც ჩამოსახლდა!

ცოდვილ კაცსაც უხარია მისი სუნის შეთავსება, ცოდვილ კაცსაც ისე სტკივა, როგორც უწინ სტკიოდა ღმერთს, დემონებიც დაიშალნენ, იუდაც კი დაიშალა!

ზეცის თვალი გამოზრწყინდა, აყვავილდა ნუშის კვირტი, ქრისტეს სუნი ჩვენ სულშია, ცოდვილ კაცის ცოდვილ სულში.

ისე დიდი ხარ

ისე დიდი ხარ, რომ შენს გვერდით სულ ვიკარგები, შენს სიახლოვეს სევდა მიპყრობს მარადიული, ისე ბნელი ხარ — ჩემი სულის მცირე ნათება ძალას კარგავს, რომ შენს ნაპირზე იყოს მზიური, შენი სურვილი ტალღასავით იბადება და მასში დღეები იხრჩობიან ყოველდღიურად.

მხოლოდ ჩემს სევდას შესწევს ძალა — შენს ნიკაპს მისწვდეს, ანგელოზივით იდგეს შენს წინ, ჩუმიდ იწვოდეს, ასეთმა უცხო, შეპყრობილმა და უფერულმა, მაინც შეძლოს და თავის ფრთები გამოგინოდოს. მას აღარ უნდა უნაპირო, უსაზღვრო ფრენა, არც ის, ამ ფერმკრთალ მთვარეებს რომ თვალი ადევნოს, დიდი ხანია, იცის უკვე სამყაროს ენა.

მას უნდა მხოლოდ ფრთებით, როგორც ცეცხლის ალებით, იდგეს შენს თვალწინ, შენს ჩრდილებთან ყოფნა ინებოს, და ფრთების შუქზე დაინახოს, მის ბრწყინვალეებას შენი ჭაღარა ნარბეები თუ შეაჩვენებენ.

ღმერთო, არ უნდა გავიწოდო

ღმერთო, არ უნდა გეშინოდეს, როცა ისინი ყველაფერს თვლიან საკუთრებად, რაც მომთმენია, ისინი ჰგვანან ქარს, რომელიც დახეტიალობს ხის ტოტებში და თანაც ამბობს: ეს ხე ჩემია.

ნახე, ისინი ძლივს ამჩნევენ, როგორ ვარვარებს ყველა ნივთი და გრძნობა მათი ხელის ხლებიას, თუმცა, უფალო, იმასაც კი ვერ ახერხებენ, არშიები რომ არ დაენვათ ამ შეხებისას.

ჩემია — ისე აცხადებენ, როგორც მეგობარს უწოდებს ხოლმე თავადს გლეხი ნაცნობ გლეხებთან, თუმცა თავადი დიდია და სანატრელია, თავისად თვლიან უცხო კედლებს და არ იცნობენ ამ სახლის ნამდვილ მესაკუთრეს და არც ელიან.

თავის საკუთარს უწოდებენ ყველაფერს, რაც კი გულის კარს ხურავს, როცა მასთან ახლოს მიდიან, ისინი ჰგვანან თაღლითს, მზეს და ელვასაც თავის საკუთრებად რომ მიიჩნევენ და უშნოდ ფლიდია.

ამბობენ: აი, ჩემი ცოლი, ჩემი ცხოვრება, ჩემი ძალი და ჩემი შვილი, თუმცა კი ზუსტად იციან, რომ ეს ყველაფერი: ცოლიც, ცხოვრებაც, ბავშვიც და ძალიც ქმნილებანი არიან უცხო, ხელებს ინვდიან ბრმად იმათი მიმართულებით, ეხლებიან და აგრძელებენ ლაპარაკს ურცხვად.

მხოლოდ დიდები უსწორებენ თვალს სინამდვილეს — ცხოვრების ხელით დაპურებას და სილის განნას, დანარჩენებს კი არც კი ესმით, რა კაეშირი აქვს ამ ყველაფერთან მათ სანყალ და უაზრო ნანწალს.

დახარბებულებს ქონებაზე არ აღიარებს თითქმის არავინ, გარიყულნი რჩებიან ბოლოს, ცოლიც თანდათან ეკარგებათ, როგორც ყვავილი, რომელიც ისეც მეტად უცხო ცხოვრებით ცხოვრობს.

ღმერთო, ოღონდაც არ დაკარგო წონასწორობა, არც ის დაკარგო, ვისაც მართლა უყვარხარ, ვინაც შენს სახეს იცნობს სიბნელეში და შეივხევა სინათლის მსგავსად შენს სუნთქვაში ძალიან ხშირად,

არ გისაკუთრებს ის, ვისაც შენ უყვარხარ, ღმერთო, და თუკი ღამით გეჭიდება, თავისთან გიხმობს, უნდა შეხვიდე მის ლოცვაში და თან გახსოვდეს, რომ სტუმარი ხარ და რომ მასთან დროებით მიხვალ.

ვის შეუძლია, დაგაბრკოლოს, შენ თავთან ხარ და, უფალო, ქვეყნად ვერვინ დაგშლის, იცოდე უნდა, შენ ჰგავხარ მაჭარს — ახალს და ტკბილს, რომელიც უფრო ტკბილდება, რადგან საკუთარ თავს ეკუთვნის მუდამ.

\*\*\* ყველა საგნიდან ხელს გვიქნევს, რომ ვიგრძნოთ და ტანის მოძრაობებით გვანიშნებს, რომ გვახსოვდეს უნდა, რომ დღემ, რომელსაც უცხოდ ვუვლით გვერდს, შეიძლება ხვალ გადამწყვიტოს, დიდ საჩუქრად რომ დაგვიბრუნდეს,



რაინერ მარია რილკე

ჩვენს მონაპოვარს ვინ დაითვლის, ვიცოდეთ ნეტავ, ვინ დაგვაშორებს ჩავლილ წლებთან, ანდა ვინ გვიცნობს, დასაბამიდან რა გვცოდნია ჩვენ ამის მეტი — ერთი არსება მეორეში თავს რომ შეიცნობს.

ო, სახლო, მინდვრის ფერდობო და საღამოს სხივო, ხომ გახსოვთ, ბევრი გულგრილი და ცივი სხეული რომ გავაბთეთ და ამიტომაც თითქმის ყველაფერს ცხვირწინ გვიშლით და დგახართ ჩვენთან გადახვეულნი.

ყველა არსების გავლით ერთი სივრცე იშლება: სამყაროს შიდა სივრცე, სადაც ფრენენ ჩიტები უხმოდ და ჩვენში მიმოდიან. მე კი გაზრდა მსურს, ჩემი თავიდან გავდივარ და შორს ვიხედები.

ჩემში იზრდება ხე. ვზრუნავ და ჩემში დგას სახლი. მე ვუფრთხილდები თავს და ჩემში არის სიფრთხილის სახეც. და ვიცი, ბევრს ვუყვარვარ: უფლის ქმნილება ჩემთან ისვენებს, ჩემთან ტირის გულამოსკენილი.

ბნელ წუთებს ჩემი არსებისას

ბნელ წუთებს ჩემი არსებისას ვეტრფი და მათში ჩაძირვას ჩემი ყველა გრძნობა ხშირად თხოულობს, და, როგორც ჩემს ძველ წერილებში, — იქაც ვპოულობ უკვე ნაცხოვრებ დღეებს ჩემსას — დალილებს ყოფით — ლეგენდასავით ჩავლილებს და ასე შორს მყოფებს.

მე მათგან ვსწავლობ, რომ მაქვს სივრცე — მეორე, სრული ცხოვრებისათვის — რომ მთავაზობს სიცოცხლეს მარადს, და რომ ხანდახან მოშრიალე, მწიფე ხეს ვგავარ, საფლავზე რომ დგას და იმ ბიჭის ოცნებებს უვლის, რომლის სხეულსაც თბილ ფესვებით გარემომორტყმია, და ახსოვს, რომ ბიჭს — ნარსულის მკვიდრს — ეს ოცნებები სიმღერებში და კაემანში შემოპფანტვია.

რამეთუ ჩვენ ვართ ნაჭუჭი და ფოთოლი მხოლოდ

რამეთუ ჩვენ ვართ ნაჭუჭი და ფოთოლი მხოლოდ, დიდი სიკვდილი, — არსებაში რომ გვიზის ყველას, არის ნაყოფი — ამ სამყაროს თავი და ბოლო.

ყველა სიახლეს გოგოები მისთვის ინყებენ

და ბარბითიდან\* ხელახლა ხედ იბადებიან, ბიჭებს ისინი სურთ კაცური თავდავიწყებით, ხოლო უფროსი ქალები კი ხშირად ხდებიან ახალგაზრდების მეგობრები და ერთგულებით თვალს ადევნებენ მათ შიშებს და უფრთხილდებიან.

მისი გულისთვის ყოველგვარი შეხედულება ხდება მარადი, — რაც არ უნდა ჩავლილი იყოს, და ყველა, ვინც კი აშენებს და სწავლობს სამყაროს, თავს გზების გავლით ამ ნაყოფის გარშემო იყრის. და იყინება ყველაფერი და ისევ ლღვება და მთელი ქვეყნის სინათლე და გულების ცეცხლი, და ტვინის ცხელი ნაკვერჩხალი მასში გროვდება. მიუხედავად ყველაფრისა, რაღაცის შეცვლა სურთ ანგელოზებს და ფრინველთა გუნდის მაგვარად მიფრინავენ და აწყდებიან დრო-ჟამის გამყოფს და მწვანე ფერით იგონებენ ახლიდან ნაყოფს.

\*\*\* ბარბითი — სიმბიანი საკრავი. აქვს ყელი და ფართო მუცელი, გამოსცემს დაბალ ხმას. საფარად უნდა მომდინარეობდეს ამავე ტიპის ბერძნული საკრავი — „ბარბიტონ“-იდან.

\*\*\* სულაც არ არის საჭირო, რომ ცხოვრებას ჩანვდე — მაშინ იქცევა ეს ცხოვრება დღესასწაულად, ისე იცხოვრე ყოველდღე, რომ იმ ბავშვსა ჰგავდე, ქარის ქროლვას რომ ეგებება და ქარის მოძღვნილ ყვავილის ფურცლებს თავის თითებს სათუთად ადებს.

ხოლო აზრადაც კი არ მოსდის, რომ შეაგროვოს, რომ შეინახოს ეს ყვავილის ფურცლები ბავშვმა, მშვიდად ეხება თმებში ნაზად ჩახლართულ გროვას ამ ფურცლებისას, იცლის ფრთხილად და მერე უცებ ხელებს შლის, ღიად ეგებება მომავალ წლებს და ასე ალაღად სთხოვს მათ ახალ ყვავილის ფურცლებს.

ნამაზი და მომენტები

მიყვარს ეს ჟამი — სხვანაირი, გამორჩეული, ჩვენთან რომ მოდის და მერე გვეტოვებს, ჟამი კი არა, უფრო სწორედ, ის ნამი მიყვარს — სიჩუმეში რომ ჩაძირულა.

ის საწყისი პირველი ნამი, ეს პირველი ვარსკვლავი სიჩუმისა, ეს პირველი ვარსკვლავი მიყვარს. ფეხზე პირველად წარმოდგომა მიყვარს მე ჩემში, ისე, როგორც ახალგაზრდა გოგოები დგებიან დილით თეთრ მანსარდაში — სადაც ცხოვრობენ მას მერე, რაც დაქალიშვილდნენ.

(და ამ დღიდან მთელმა სახლმა იცვალა სახე). ახლა კი, თეთრი მანსარდა მათი ცხოვრება და როცა ღია ფანჯარასთან მიდიან დილით, მთელი სამყარო ერთიანად ეშლებათ თვალწინ.

ხედავენ ხეებს — დიდებს, ზრდას რომ არ წყვეტენ ახლაც, ხედავენ ჩიტებს და ხედავენ, ტოტები როგორ იხრებიან, ფრინველები აფრენას რომ დააპირებენ. და ყველაფერი ისე მოჩანს, თითქოს ქარი ცხოველებში ცხოვრობდეს და სიჩუმე კი ხის ღეროებში მიყვარს ეს ქარი, ეს შორს მყოფი, სახეშეცვლილი, გაზაფხულს რომ ასწრებს ხოლმე მოსვლას ჩვენამდე. ხმაური მიყვარს ამ ქარისა, მისი ჟესტებით მოძრაობა, რომელიც ყველა ნივთს და გრძნობას ისე კვეთავს, თითქოს ისინი არც არსებულან!

ეს ღამე მიყვარს. თუმცა არა, ღამე კი არა, ღამის საწყისი ნამი მიყვარს, ღამის პირველი გრძელი სტრიქონი, რომელსაც მე არ ნავიკითხავ, რადგან იგი დამწყებთათვის არ შეუქმნიათ. ეს ნამი მიყვარს, რომელმაც უკვე ჩაიარა, და ჩავლის მერე ვიგრძენი, რომ მისი სიცოცხლე ახლა ინყება.

აუღწერელი გარდასახვიდან იღებს სათავეს შემოქმედება, დაიჯერე და იგრძენ მისი ძალა და ფერი! ჩვენ ხშირად გვეტყვა, რომ ცეცხლიდან ნაცარი გვრჩება, ხელოვნებაში თუმცა ცეცხლად იქცევა მტვერიც.

აქ მაგიაა. ჯადოქრობის სამფლობელოში

ჩვეულებრივი სიტყვა აჰყავთ მაღალ მწვერვალზე. აქ ხელოვნება ემსგავსება იმ მტრედის ღულუნს, უხილავ სატრფოს რომ მოუხმობს თავის ენაზე.

აქ მაგიაა. ჯადოქრობის სამფლობელოში ჩვეულებრივი სიტყვა აჰყავთ მაღალ მწვერვალზე. აქ ხელოვნება ემსგავსება იმ მტრედის ღულუნს, უხილავ სატრფოს რომ მოუხმობს თავის ენაზე.

რას იზამ ნეტავ, ღმერთო, როცა გარდავიცვლები

რას იზამ ნეტავ, ღმერთო, როცა გარდავიცვლები, შენი ჭურჭელი ვარ და როცა მთლად დავიმსხვრევი, შენი სასმელი ვარ და როცა ძმრად გადავიქცევი, სამოსელი ვარ შენი, შენი მე ვარ ხელობა, უჩემოდ გონსაც დაკარგავ და ყველა წყალობას.

ღმერთო, ხომ იცი, შენ უჩემოდ დაკარგავ სახლსაც, სადაც სიტყვები მუდამ თბილად გესალმებიან, შენს დალილ ფეხებს ეს ხავერდის რბილი სანდლები გასძვრება, რადგან სანდლები ხომ მე ვარ, წლებია! შენს დიდ ქურთუქსაც მოსწყინდები, გაგიშვებს შიშველს და შენი მზერა — მე რომ თბილად მწვდება ღანვებზე — დიდხანს მომძებნის, მერე მოვა და მზის ჩასვლისას უცნობი ქვების ცივ კალთაში უცხოდ ჩანვება.

რას იზამ ნეტავ, ღმერთო? ვშიშობ. თარგმანი ირმა შიოლაშვილი

ლიტერატურული გაზეთი
საქართველოს კულტურის, სპორტისა და ახალგაზრდობის სამინისტრო
საქართველოს მხარეთმცოდნეობის ინსტიტუტი
რედაქტორი ირაკლი ჯავახიძე
რედაქტორის მოადგილე უჩა შერაზადიშვილი
ქურნალისტი თამარ ჟურული
მობ. ტელ.: (577)742277; (599)269852; e-mail: litgazeti@yahoo.com
ISSN 2346-7940
9 1772346 1794004